



**Gegenwarnung ahn Doctor Lucas Osiander, dasz er sich einer  
newen Antichristischen Gewalts in der Kirchen nicht  
anmassen, und fro?mbde Diener und Underthanen wider ihre  
Christliche Obrigkeit, und dero Gottselige, friedfertige  
Mandata nicht verhetzen wolle**

<https://hdl.handle.net/1874/405292>

Gegenwarnung  
 ahn  
 Doctor Lucas Osi-  
 ander /

Dasß er sich eines newen Antichri-  
 stischen gewalts in der Kirchen nicht anmassen/  
 vnd frömbde Diener vnd Vnderthanen wider ihre Christlis-  
 che Vbrigkeit / vnd dero Gottselige / friedfertige Man-  
 data nicht verheßen wolle.

Gestellt  
 Durch etliche reyne Prediger des Göttlichen  
 worts zu Heidelberg.



Tit. 3.


Erinnere sie / daß sie den Fürsten vnd der Oberkeit vn-  
 derthan vnd gehorsam seyen / zu allen guten wercken  
 bereit seyen: Niemand lestern / nicht hadern / gelinde  
 seyen / alle sanfftmütigkeit beweisen gegen allen  
 menschen.

Gedruckt durch Mattheum Harnisch.  
 1584.

THE  
OFFICE OF THE  
SECRETARY OF THE  
NAVY

WASHINGTON  
D. C.

1880



1880

1880

3  
Begenwahrung an Lucas  
Osiander D. etc.



An hat viel vnd offt ge-  
sagt / es haben vns auch  
die alten gewarner / da es  
gegen dem Jahr 1584/  
sonderlich aber 1588 sein  
werde : sol dieselbige zeit  
( dieweil damals etwas  
wunderbares zugewar-  
ten) fleißig in acht ge-  
nommen vnd betrachtet  
werden. Vnnd zwar es

wissen fast alle verstandige vnd friedfertige Leut in  
Teutschland / vnnd sehen es mit schmerzen / daß / ob  
gleich nach absterben der vornemmen Helden / so  
die Augspurgische Confession gestellet / vnd auff  
allen Reichstagen verthediget haben den Ubiquiti-  
sten vñ Flaccianern der mut sehr gewachsen : jedoch  
sonderlich vom Jar 1580 ihre frechheit vberhand  
genommen / beschwerliche trennungen eingefüret  
worden / vnnd sich ( wie zubeforgen ) allgemehlich  
die bosheit des newen Antichristenthumbs ange-  
fangen hat zu regen / daß / wo es der liebe Gott nit  
verhütet sehr zufürchten / ehe wir das 88 Jar er-  
reichen / werden wir durch solcher leuth anstiffung  
in ein wunderbare zerrüttung / vnnd in ein solches  
joch gerahen / welches vns nicht weniger als des  
Römischen Antichrists joch schwerlich drücken

Der an-  
fang des  
newen An-  
tichristen-  
thumbs.

wirt. Vnd daß ihm also sey/beweisen vnder andern  
 Lucae Osiandri Doctoris vbiquitatis / vnd Hoffpredi-  
 gers handlungen vnd schrifftten / daß ja keiner von  
 den vornemmen Vbiquitets lehrern ist / der nit mit  
 einem newen primat schwanger gehe / vñ nach dem  
 Antichristischen vnfaubern Geist stincke. Welchs  
 wir / ob Gott wil / hell vñnd klar / das ein jeder / der  
 den schnuppen nicht hat / es riechen wirt / beweisen  
 vnd darthun wollen : hetten gleichwol viel lieber  
 dero leuth schand vnd vnarth zugedeckt. Diemitt  
 aber er D. Osiander mit solchem grim vnd hoch-  
 mut öffentlich heraus fehr / daß er auch in die  
 Churfürstliche Pfaltz fallen / dieselbe stürmen / vñ  
 seine Hund / wie er sie im titel nennet / wider ihre frei-  
 berkeit / vñ dero Christliche Mandata zu hezen sich  
 vnderstehet / müssen wir dem Exempel des H. Apo-  
 stels folgen / der von einem Diotrophe, dessen Nach-  
 folger Osiander ist / also schreibet: Diotrophes der  
 hoch gehalten sein wil / nimpt vns nicht ahn: Da-  
 rumb wenn ich komme / wil ich ihn crinnern sei-  
 ner werck die er thut / vñd plaudert mit bösen wor-  
 ten wider vns: Läßt ihm an dem nicht genügen:  
 Er nimpt nicht die Brüder an / vñd wehret denen  
 die es thun wöllen.

Osiandri  
 vermessen  
 heit.

3 Epist.  
 Johan.

Damit nun er Osiander als in einem Spiegel  
 sehen möge / wie sein Geist dem Geist des Anti-  
 christi sehr ehlich werden wil / wo er nicht zeitlich  
 in sich selbst geht / vñd für des leidigen Sachans list  
 vñd verführung sich hütet / wöllen wir etliche Kenn-  
 zeichen /

zeichen vnd indicia desselbigen Geists/ die man an ihm spüret / guter meinung ihm vorhalten.

Erstlich weiß er / wie der Antichrist/ (spricht Daniel im 7 cap.) alle land werde fressen vnd zu so furegemalet vnd beschriben worden / das er durch vermessenheit/ für ein General vnd allgemei- ne Bischoff werde wollen angesehen sein/wie dan Osi- ander sich vberreden leßt / er sey auff die Zinnen des Tempels gestelt / vnd hab macht vber alle Kirchen in Frantreich / Niderland / in der Churfürstlichen Pfalz / was er setze / warne / richte / sol allein gelten : Bedencket nit wie er vor wenig jarn / von dē Nider- ländischen vnd Frantzösischen Kirchen / mit seiner auffgangnen warnung an dieselbige / abgefertiget sey worden : Wercket nicht / daß der Osiandrische name in Teutschland noch nit so werde vnd holdse- lig sey / daß jedermenniglich vor solchem namen sich biegen / vnd dardurch dem Herrn Doctore als bald zu gehorsamen bewegē werde lassen. Erinnerung sich nit / wieder hochmut / fürwitz / vnd die leidige Poly- pragmatyone seinen Vatter in schrecklichē irrthumb / vnd seinen schwager Funccium, der in Preussen das Fac totum in geistlichen vnd weltlichen sachen sein sey / in jamer vñ not gestürzt hat / dz wir geschweiz gen / was für einē elenden außgang sein Consort vñ mit Hoffprediger zu Sturgardt gewonnen / nach dem er Anno 76 vnd 77 auß seinem beruff geschrit- ten / vnd sich die vnschuldige fromme Kirchen vnd Schuldiener in der Churfürstlichen Pfalz vnuer- hört zu verdamen / vnd wegen des zugemeßnen Cal- unissimi zu verbannē vnderwundē hat. In summa wie

Das erst kennzei- chen des geists des Antichrists in Osiandro

Balth. Bi- denb.

S. Paulus Gal. 6 erinnert: So sich jemandts leßt  
 düncken er sey etwas / so er doch nichts ist / der be-  
 treugt sich selbst. Ein jeglicher aber prüffe sein  
 selbst werck. Denn vermessenheit vnd hochmütch-  
 nimmer gut / vnd wie S. Peter 1 Epist 4. vermanet:  
 Niemand vnder euch leide als ein Vbelthäter /  
 oder der in ein frembd ampt greiffet / etc. Dieses  
 laster (spricht Lutherus vber denselbigen Chri-  
 treibt der Teuffel allermeist in den falschen Chri-  
 sten. Die wollen immer viel zuschaffen haben  
 vnd regieren da ihnen nichts befohlen ist / wie die  
 Bischoffe vnd Geistliche thun / regierend die Welt.  
 Item / die auffrührische vnd fürwitzige Prediger  
 schedliche vnd gefährliche leut / etc. Vnd eben diese  
 erinnerung haben die Theologen in der Verbür-  
 gischen obern Pfalz Anno 76 dem Probst zu The-  
 bingen / da er die Ubiquitistische Concordia formul-  
 herumb getragen / gethan / das er nemlich wider  
 seinen beruff handlete / vnd seines Amptes daheim  
 auswarten solt / dann er keinen Apostolischen ber-  
 ruff / (welcher mit den Aposteln auffgehört heet)  
 weder mit schriften noch wunderwercken könte be-  
 weisen. Da aber D. Osiander seine warnungen  
 also deuten wolte / das er nicht auß vermessenheit  
 freuel oder vorwitz / sonder auß Christlicher lieb-  
 welche sich an alle gliedmassen der Christlichen ge-  
 mein streckt / dieselbig gethan vnd geschrieben heet  
 sol er wissen / das er kein verstandigen dessen bald  
 vberredē werde: Den erstlich merckte / schreibe  
 im titel seines Buchs ein gewulche suchte / schreibe  
 mit / vnd faßt die Franckheit / so die ärzte Lycanthro-  
 pia

Ein Lu-  
 therische  
 warnung  
 an Osi-  
 andrum.

Ob Osiander  
 der seine  
 warnung  
 auß Christ-  
 licher lieb  
 gethan.

pflanzen: dann er im lautter Wölff in der Chur  
 fürstlichen Pfaltz ein bildet / vnd seine hund wider  
 dieselbige hezet / da viel mehr die Christliche lieb an  
 sich billich solte vermögen / dz er nit auß argwohn /  
 oder auß einer parthey vnd giftiger leut Relation  
 ein solches Urtheil fellen / sonder gründlich zu or  
 erkündigen / vnd des angeklagten theils (fürnehm  
 lichen weil sein anklag die löblichste vnd höchste Sa  
 berkeit der Churfürstlichen Pfaltz antrifft) bes  
 richt einnehmen / vnd derselben ein ohr gönnen  
 vnd zu dem / wo ein sündlein Christlicher lieb  
 vnd rechten verstands bey dem Mann wer / solte er  
 bey ihm selbsts ermessen / das es nicht gut thun werd /  
 wann viel hund in der Pfaltz bellen / vnd der Ober  
 keit Mandata anheulen vnd verlestern / welches nur  
 viel zu viel leider von vielen vngestümnen vnd  
 vnbescheidenen Predigern geschiehet / also daß alle  
 tag fast auß allen ämptern von den armen vnder  
 thanen / vnd zum theil von den Amptleuten / als  
 vnd ergerlich schreien vnd lestern vieler Prediger /  
 die erwan von ihrem Patriarchen Ssandro ver  
 reißet sind / wann sie nur dapffer lestern / werd er  
 sienen weder zu reichen Apreien vnd pfründen pro  
 mouiren / oder widerumb in ihre Pfahren mit ge  
 waffneter hand einsetzen. Es tröstet sich aber vn  
 sere Christliche Oberkeit des spruchs der im 22  
 Psalm stehet: Hunde haben mich vmbgeben / vnd  
 die böse rotte hat sich vmb mich gemacht: Aber  
 du Herr sey nicht ferne / meine stercke eile mir zu  
 helfen / errette mein leben von den Hunden. Wir  
 hören.

Trost wo  
 der die  
 hunde Ss  
 andri.



hören aber wol/was diese leut vorwenden/vnd wie  
 sie ihr warnen/bellen vñ schreien vermücteln wö-  
 len: Nemlich/dieweil es zuthun sey vmb solch Man-  
 dat vnd Edict, wie Keyser Carl anno 31, oder zur zeit  
 des INTERIMS anno 39 Mandat gemacht hat / wider  
 welche D. Luther / vñnd andere Euangelische  
 Lehrer geschrieben / oder wie es Osiander gar rich-  
 tig im eingang seiner warnung vorgibt / es sey vmb  
 ein solchs Mandat zuthun / wie der Gottlos Haman  
 von König Ahasuero eins herauf gebracht hat/das  
 man alle Jüden tilgen vñnd außrenten solle. Das  
 sind fürwar starcke vrsachen / die ein ganz Land  
 auffrührisch machen möchten / wann die sachen auff-  
 beschaffen weren. Wer aber die angē ein wenig auff-  
 thut/vnd das mandatum recht liser/oder die handlung  
 gen/so in der Churfürstlichen Pfaltz vorgehn / an-  
 schawet/vñnd Osiandri vñnd seiner Conforten lehr-  
 thun / fürnehmen vnd Proceß wider die vnsern  
 dargegen heit / der wirdt bald finden / wer für die  
 abgötter streitte/wer der abgötterey / so der Pabst  
 mit den runden hostien treibt / die thür auffthut/  
 wer der Haman sey/der hohe Potentaten wider vñnd  
 schuldige leut verherzet/vnd zur verdammung vñnd  
 vertilgung derselbigen reizet. Dann das wir den  
 Haman finden / müssen wir in die Histori Esther  
 gehen/vnd dieselb erwegen / sonderlich was im drit-  
 ten capitel vom Haman gemeldet wirdt. Wiennem-  
 lich der König Ahasuerus den Haman groß ge-  
 macht/in erhöcht / vnd seinen stul vber alle Fürsten  
 die bey ihm waren / gesetzt hab/ also das alle Fürsten  
 des Königs beugeten die Knie / vñnd betreten Has-  
 man an: Allein der from Jud Wardocheus wolt  
 es nit

Die rech-  
 te Histori  
 Haman:  
 vnd wer  
 Haman  
 sey.

- „
- „
- „

es nicht thun: Darumb Haman voll grims ward/ “  
 vnd trachtet das gang Jüdisch volck zuuertilgen/ “  
 berebet den König/ es were ein Volck zustrewet im “  
 Land/ vnnnd hert andere gesatz dann andere Völ- “  
 ker: bracht also ein gebott herauß zuuertilgen/ zu “  
 erweigen vnnnd vmbzubringen alle Jüden beyde “  
 jung vnd alt/ kinder vnd weiber auff einen tag/ etc. “  
 Da laßt vns den heutiggen Haman ernde- “  
 ken/ vñ sehen/ wer jez demselbiggen ehlich sey. Was “  
 ist/ vmb Gottes willen/ heutiges tags die vrsach/ “  
 warumb wir verlestert/ verkerzert/ verdampft vnnnd “  
 verworffen / ja als Wölff / die man tödten vnnnd “  
 würgen soll / angeschrien werden: denn das wir “  
 Ssiandro vnnnd der sechs Bergischen Patriarchen “  
 schrifftenn nicht anbetten können: Wolten wir “  
 aber den Vbiquitisten vnnnd Flaccianern ein fußfall “  
 thun/ vnnnd die Vbiquitet anbeten/ weren wir die bes- “  
 sten leut auff Erden. Da wir es nicht thun wollen/ “  
 müssen wir dem Ssiandro herhalten / vnd von ihm “  
 außs aller gewlichst angezogen werden/ da hilfft “  
 vns nichts / daß wir mit S. Paulo 1 Cor. 3 glau- “  
 ben/ daß keiner kein rechten grund legen kan/ außser “  
 dem der gelegt ist / welcher ist Jesus Christus: So “  
 man mit Ssiandro nicht glaubt die vier widerwerts “  
 tige fundamenta Lutheri im handel des H. Abend- “  
 mals. Es hilfft vns nichts/ daß wir die bekantnuß “  
 des Glaubens des alten frommen Lehrers Atha- “  
 nali), wie auch andere bewerte vralte Symbola an- “  
 nehmen/ wo wir nicht Ssiandrum / seine vortgesel- “  
 len vnd ihre schrifftenn anbetten: In summa / es gilt “  
 die Concordi der trefflichen mennen/ Lutheri, Me- “  
 lanchthonis, Buceri, Capitonis, vnerwogen wie hoch “

vnnnd hatt dieselbige Concordia beteyert worden ist  
 nichts mehr / wo man sich nicht zu der Vbiquitisten  
 vnd Flaccianern Concordi bekennet / die da öffentlich  
 Melanchthonem, Bucerum, vnd vast alle vornemb-  
 ste Luangelische Lehrer in verdacht grosser Ir-  
 thumben ziehen / vnnnd welches zuerbarmen ist / ha-  
 ben diesel Hamans brüder viel ansehbliche Herren vnd  
 Regenten dermassen eingenommen / das alle die  
 so ihre Knie für dem Bergischen Abgott nicht bie-  
 gen wöllen / so verhaßt vnd vnwerdt sind / das man  
 sie weder sehen noch hören oder dulden wil / sonder  
 ist Dsiander der meinung / das sie nicht weniger als  
 Wölff angefeindet / getödtet / von hunden gejagt  
 vnnnd zerrissen werden sollen. Darumb er auch mit  
 seinen Consorten im Stiffte Cöln die bludurfftige  
 Spanier viel lieber sihet toben / dann das den ar-  
 men Christen / die des Calvinismi, wie er es nennet  
 das ist / der reinen lehr von den Sacramenten  
 halben verdächtig sindt / geholffen vnnnd zuge-  
 sprungen werden solt. Da ist billich zufragen / wo  
 D. Dsiander sein gewissen hingesteckt hab / als er  
 im eingang seiner giftigen warnung / das Christen  
 lich friedfertig Mandat / des Durchleuchtigsten  
 Hochgebornen Fürsten vnnnd Herrn / Herrn Jo-  
 hann Casimirs Pfaltzgraffen bey Rhein / Ver-  
 munds / vnnnd der Churfürstlichen Pfaltz Admini-  
 strators, Herzogen in Beyern / etc. Vnsers Gnedi-  
 gsten Herrn / dem Gottlosen mörderischen Edict  
 vnd außschreiben / welches Haman vom König A-  
 hasuero wider die Jüden heraus brachte / hat diese  
 fen vergleichen / da jeder meniglich / so gedacht vnser  
 rer Gnedigsten Herrschafft Mandat liest / als bald  
 mercke

merck / vnd des Slander nicht leugnen kan / das  
 der inhalt sey / das das reine wort Gottes sein stra-  
 cken lauff hab / die recht verdamte irrthumben / vnd  
 auch alle vngegründte lesterungē abgeschafft wer-  
 den: In denen puncten aber / so zwischen den Euan-  
 gelischen noch nicht aller dings erörtert sind / bey-  
 derseits gedult getragen / vnd fried gehalten wer-  
 de / bis Gott der HERR gnad giebt / das in einem  
 ordentlichen freyen Concilio, oder sonst in einer  
 rechtmessigen versammlung der Euangelischen Kir-  
 chen / diese ding zu besser richtigkeit gebracht wer-  
 den. Was ist vmb Gottes willen in solchem Man-  
 dat / das dem grewlichen Mandat Hamans oder  
 Ahasueri gleich sey: Haman wolte angebeten sein:  
 das Fürstlich Mandat wil / das Gott allein vnd  
 nicht die menschen oder Pralaten / sie haben ein na-  
 men wie sie wollen / angebeten werden. Das Man-  
 dat Ahasueri ist wider den vnschuldigen Mardo-  
 cheum gerichtet / das Fürstlich Mandat befiehlt /  
 das vnschuldige Kirchen vnd Kirchenlehrer nicht  
 verlestert werden: Dann es ist nicht genug / wann  
 Slander werden: Die Calvinische haben ein frembde  
 lehr. Dann der Gottlos Haman vberredt auch  
 den König Ahasuerum also / das Jüdisch Volck  
 hett einander gesetz als die andere Völcker / vnd  
 thet nicht nach des Königs gesetz / wie man heut  
 von vns sagen wil / in dem wir den Vbiquitisten vnd  
 Flaccianern nicht beyfal thun / das wir ein sonder-  
 bare verworffene Religion haben. Das Mandat  
 Hamans vnd Ahasueri befalh / das man die Jü-  
 den tilgen vnd würgen solt / wie Slander mit jeis-  
 nem schreien vnd lestern (da er vns jetzt den Wölfe

An/ setz den Türcken vergleicht) anlaß vnd verlaß  
 giebt/ daß viel armer Christen auch im H. Reich  
 verlassen/ ihre sachen/ frömbde sachen geachtet  
 vnd also den wütenden Tyrannen zuwürgen vber  
 geben werden. Dergegen das Fürstlich Christlich  
 Mandat vermanet zum frieden vnd zur einigkeit  
 vnd leßt daneben die gewissen frey. Darumb bil  
 lich D. Dsiander besser auff seine reden/ vnd vber  
 gleichungen acht haben/ vñ sich des sprachs Esaie  
 erinnern soll/ der also lauter: Behedenen die bö  
 ses gut/ vnd gutes böß heissen/ die aus finstern  
 nis liecht/ vnd auß liecht finsternis machen  
 die auß sawer süß/ vnd auß süß sawer machen  
 Behedenen die bey sich selbst weise sind/ vnd hal  
 ten sich selbst für klug. Item S. Paulus Rom. 14  
 Wer bistu/ daß du einen frömbden knecht richtest?  
 Wir wollen aber schreiten zu einem andern  
 Kennzeichen des Antichristlichen Geistes/ der sich in  
 dem Dsiandro sehen leßt/ dieweil er nemlich gleichet  
 gestalt/ wie die Pápst zu jeder zeit gethon/ von der  
 Christlichen Oberkeit/ die es mit ihm nicht hel  
 schimpflich zu reden/ vnd hohe Potentaten wider  
 einander auffzubringen sich vnderstehet/ vnd  
 macht es so grob/ daß auch ein jeder gering verstan  
 diges sehen vnd greiffen muß/ wie er eben der rechte  
 Wann ist/ der seine fromme Herrschafft wider vñ  
 seregnedigste Oberkeit hezet/ vnd gleich wie der  
 Pápst Clemens vor etlich Jaren in Italia, also wolt  
 er in der Churfürstlichen Pfaltz gern ein lermen/  
 zwittracht/ vnd auffruhr stifften vnd anstellen.  
 Dann

Das an  
 der kenn  
 zeichē des  
 Antichri  
 stlichen  
 Geists.

Dann das gibt ihm Keinen behelff noch außflucht/  
 daffer viel protestiret / er wolle in seinem schreiben  
 mit vnserm gnedigsten Herrn / Herzog Johan  
 Casimiro etc. nichts handeln / sonder allein deren  
 verschlagene Süchsliff anzeigen / die das Mandat  
 erwacht / gerahren / concipiret / vnd vnder ihres Her-  
 ren namen vnnnd Secret außgesprenger: Dann  
 dalauß die protestation wider die that / Vnd die  
 that wider die protestation / vnd ist fast ein solche  
 protestation als des Pilati / welcher seine händ  
 wusch / wie er den vnschuldigen Christum zum todt  
 verurtheilet. Dann heist das (vmb Gottes willen)  
 mit Herzog Johan Casimir Pfalzgraffen etc.  
 nichts handeln / wann man die Vnderthanen ver-  
 manet / daß sie seiner S. G. Mandatis nicht gehorsam  
 men / sondern dieselbige als des Ahasueri oder Na-  
 mans Mandat achten sollen: Heist das mit Her-  
 zog Johan Casimir Pfalzgraffen etc. nichts wol-  
 len handeln / wann man so einen vortrefflichen  
 Fürsten des Reichs / wie seine S. G. sind / der seines  
 hohen verstands vnd erfahrung / wie auch seines  
 Christlichen eyffers halben / in allen vornembsten  
 Prouincien Europa bekant vnd berhumbt ist / für  
 ein solchen alberen Fürsten außgibt / der nicht wisse  
 vnd verstehe / was er vnder seiner Fürstl. G. hands-  
 schriff vnd Secret mandire / vnd außgehen lasse:  
 Heist das mit Herzog Johan Casimiren etc.  
 nichts handeln wollen / da Dsiander seiner S. G.  
 die würde / zu welcher dieselbige von Gott dem All-  
 mächtigen nach dem wolherbrachten recht der Gul-  
 den Bull / Pfälzischen vralten Satzungen / vnd  
 mit allgemeinem Consens der ganzen Landschaftt

Nichtige  
 Protestation  
 Dsi-  
 andri.

pag. 24.

beruffen / abspricht / auff Keyserliche Maitest  
 vnd andere Stände dreyet / vnd nichts liebers sehe  
 (damit er nur sein mülein an denen / so in vnd sein  
 vbiqutet nicht anbeten wollen / külen möchte) dan  
 daß die Pfaltz / sein Landsfürst / vnd andere Für-  
 sten einander ins haar fielen? Dann auß seiner  
 gifftigen warnung merckte man wol / woher die ver-  
 bitterung etlicher Ständ wider die Pfaltz ver-  
 sprünglich herfließe / vnd das es solche gelegenheit  
 hab (auff daß wir eingleichnuß brauchen / welches  
 dem Osiandro bekant sey) wie ein fürnemmer Bi-  
 schoff ein maal sagt vom Concilio zu Trient / daß  
 nemlich das Concilium beschaffen were wie ein groß  
 se Dregel / vnd des Papsts Gesandten wie die Spiel-  
 leute / die Blasbälck aber weren der Papst vnd sei-  
 ne Cardinal zu Rom. Ein solcher Blasbälck ist  
 der Teutsche Papst Osiander / sampt seinen mit-  
 Cardinālen / vnd frage nichts darnach / wie es dem  
 Vaterland gehe / noch was für zerrüttung darauß  
 erfolgen mög / wann er nur seinen primat erhalten  
 kan. Solcher Papst aber ist S. Peter nicht gewes-  
 sen / der im 5 cap. seiner I Epistel vn sonst / die Predi-  
 ger / daß sie vber das Volck Gottes nicht herrschen /  
 sonder einander vnderthon / vnd an der demut ver-  
 halten sollen / ernstlich vermanet: welcher Aposto-  
 lischen warnung alle fromme vnd Gottselige Bi-  
 schoffe gefolget / vnd nicht auff Keyser oder Für-  
 sten getruzt / auch keine andere waaffen / dann pre-  
 ces & lacrymas (wie Ambrosius vnder) gehabt / vnd  
 wie Bernhardus spricht / non ferro sed verbo sich ver-  
 thediget haben. Nach dem aber die Römische Papste  
 ihre Tyranny vnd Herrschafft wollen bekräftigen /

Gleich-  
 nuß von  
 einer Dr-  
 gel.

Die rech-  
 te waaffen  
 der Prie-  
 ster.

gen / haben sie diesen rancē gebräuch / daß sie Für-  
 sten vnd Potentaten an einander gehezt / vnnnd mit  
 ander leuth schaden vnd vnderdrückung sich groß  
 gemacht. Es sehe aber Oslander / daß ihm nicht  
 also gehe / wie dem Doegdem Edomiter / daruon er  
 lesen mag den 52 Psalm. Vnd darff zwar wider die  
 Concipisten des Christlichen vnnnd friedfertigen  
 Mandats nicht zörnen / es sey denn daß er wider vno-  
 sere gnedigste Herrschafft / vnnnd dero hohe vnnnd  
 weisliche Räht zörnen / vnnnd dieselbige rechtfertig-  
 en wolle. Wil er aber sunst zörnē / so sol er wider die  
 Concipisten der Vorred des Bergischen Concor-  
 dibuchs zörnen / da jedermenniglich wol siehet / daß  
 diese selzame in Cangeleien vngewönliche wort /  
 substantialiter, formaliter, habitualiter, subiectiuē,  
 nicht von Fürsten oder Cangeley verwandē / sonder  
 vonden dichtern des Concordibuchs herkommen.  
 Ober wil er zörnen / so thue er es wider die Conci-  
 sten / deren decreten in der Churfürstlichen Pfaltz /  
 gedehnt / sollicitirt vnnnd gleich genötiget haben /  
 daß er dem Concordibuch vnderscrieben / vñ aller-  
 ley diener / wegen vnser reinen lehr von den N. Sas-  
 cramenten bevrlaubt vnd abgeschafft / wie er auch  
 vor sieben jaren in schriftten vnserm Gnedigsten  
 Herrn Brüderlich vnnnd mit beschwerden geklagt /  
 daß etliche seine Exceptiones vnnnd bedencken formu-  
 lam concordia belangend / sonderlich de Synodonit  
 in acht genommen weren worden / vnnnd weiß vnser  
 Gnedigster Herr auß den Actis, so ihre Fürstliche  
 Gnad en bey handen haben / sehr wol / welche die jentz  
 ge seine sanfftmütige Theologen sind / die durch ein  
 vnablesz



vnablesiges anhalten ihrer S. G. Herren Brüdern  
wider diegenante Calvinischen / das ist wider die /  
dem Papst Nicolao vnd Martino nicht glauben / also  
verbirtert / vnd zu endelicher abschaffung derselben  
gerahen haben.

Das dritte  
kennzeichē  
des Anti-  
christliche  
Geists.

Das dritte Kennzeichen des Antichristlichen  
Geists in Osiandro ist der Geist der lügen / calu-  
nien vnd lesterung / mit welchen jederzeit der An-  
tichrist vmbgangen / vnd seine sache hat wollen er-  
halten / wie noch erst newlichen die Königin vnd  
Engelland von den Pápstlern beschuldiget / vnd  
angeklagt ist worden / als wann ihre Religion ver-  
würde viellent wegen der Pápstliche Religion ver-  
folget het / da doch in die 26 Jar / die sie regiert hat  
nicht einer wegen der Religion / wie die Acta publicā  
aufweisen / sonder allein auffruhrs vnd schändel-  
cher verrähterey wegen gerichtet worden / also gien-  
Osiander mit vngrund für / das es vnserer Christi-  
lichen Oberkeit nicht ernst sey / das sie keinen wegen  
der lehr / sonder allein vmb der vnbescheidenheit  
willen aufjagen wölle / dieweil (wie er spricht) schon  
vor dem Mandat etliche reine vnsträffliche Osiand-  
rer bevrleubt worden. In welchen Worten Osiander  
drei erscheine zum theil ein grosse vermessenheit / in  
dem er ein hertzündiger seyn will / vnd wissen wil  
andere leuth im Herzen haben / vnd zum theil das  
er denen gleich sey / danon Esaias 28 cap. schreibe  
welche die lügen ihr zuflucht vnd heuchelei ihren  
schirm machen. Dann alle handlungen geben das  
vnnd Vnderthanen in der Churfürstlichen Pfaltz  
vnnd das man keine Prediger bevrleubt hat / auffre-  
balt

halb zweien abtrünnigen / die es weder mit ihnen /  
 noch mit vns gehalten haben / vnd dann die entwe-  
 der kein gewissen beständigen beruff gehabt / vnn-  
 derflüssig gewesen / oder aber gleich im anfang sich  
 als öffentliche feind vnserer Gnedigsten Oberkeit  
 erzeigt der oselben das gemein vnnnd Christlich Ge-  
 bert nicht gegünnet / sie dem Ieroboam, Achab, vnnnd  
 andern Gottlosen Königen verglichen / auch etli-  
 che sich öffentlich vernemen lassen / daß sie ihre  
 Sündliche Gnaden bey dem H. Tauff zum Gevart  
 tern stehen zulassen bedenkens hetten / vnnnd der-  
 gleichen vnzalbare lesterungen mehr / die man mit  
 vnnnd sind danner solche lesterer nicht als bald be-  
 greiffen / sonder nach notturfft verhört / vberwie-  
 sen / vnd demnach sie halßstarrig blieben / vnnnd von  
 ihren aufführischen / vngegründten reden nicht  
 haben wollen abstehen (dieweil sie ant erstwo andes  
 verdiensten gewiß gewesen / vnd nicht hoch nach ih-  
 ren Pfarkindern gefragt) als dann erst abge-  
 schafft worden. Da im gegenspiel die vnserere vor-  
 herhnen einig Prediger sind vertrieben worden /  
 (vngeachtet sie vielfeltig drum angehalten) viel  
 weniger ein freye öffentliche Disputation / wie jetzt  
 geschicht / vergünnet worden: Ja mancher armer  
 Pfarherr hat mitten in der Nacht ernstlichen be-  
 such empfangen / daß er den Pfarhoff als bald rau-  
 men solt / vnnnd da etliche von den vnsern zu Heidel-  
 berg mit den ersten Prälaten / die hieher geschickt  
 waren / in abwesen des Churfürsten / sich zu einem  
 C

freundlichen gesprech erbotten / ist ihnen vom Ge-  
 gentheil geantwortet worden / es stünd in ihrer In-  
 struction nicht / daß sie mit den vnsern sich vnder-  
 reden solten : allermassen D. Oslander etlichen ho-  
 hen vnd vornemmen personen / die ohn gefehr vor-  
 anderthalb Jaren von ihm in der Statt Cöln ein-  
 Predig zuhören begerten / auch ein solche ant-  
 wort gab / daß er dessen in seiner Instruction kei-  
 nen befelch het. Noch darff der vnruwige Mann  
 wider vnser Christliche Oberkeit / wann dieselben  
 ge einen oder zwen / nicht zwar reine Prediger / son-  
 der grobe halbstarrige auffrührische Lestere / kein  
 schaffe / vnnnd wider vns / die keinen frieden / son-  
 freundlich gesprech / keinen gruß beim gegentheil  
 können erlangen / Wordio schreien / vnd sich betla-  
 gen / es werde den Ubiquistischen vñ Flaccianischen  
 Predigern das maul gebunden / vnd ihnen alle ihre  
 waaffen genömen / wann sie nicht mehr wider  
 die genante Calvinisten wüten / vnnnd als rasende  
 Hund bellen dörsfen. Dann diese Prediger mehr  
 vertheils theten gar kurze predigten / wo die lesse-  
 rungen vnd Calumnien wider die so man Zwingli-  
 sche vnnnd Calvinische nennet / abgeschnitten wer-  
 den solten / vnnnd gilt also bey ihnen diese regel vnnnd  
 vermanung S. Pauli Phil. 4 gar nichts / da der  
 Apostel spricht : Was warhafftig ist / was erbar /  
 was gerecht / was keusch / was lieblich / was wol-  
 lautet / ist etwan ein tugend / ist etwan ein lob / dem  
 dencket nach. Was thun aber diese leuth : Je gro-  
 ste kunst sol seyn daß sie creffenliche rüstzeug Got-  
 tes vnd wolverdiente männer verlessern / vnnnd dem  
 Teuffel

Die beste  
 waaffen der  
 Ubiquiti-  
 sten.

Teuffel geben / wie dem Osiandro Oecolampadius,  
 Caluius, vnd dergleichen berühmte Lehrer/vnser  
 liger gedechtnuß männer heissen. Denckt nicht/dass  
 er nicht bald einen Propheten recht verstünde / wo  
 ihm die auslegungen solcher tröfflichen Männer  
 Oecolampadij vñ Caluini nicht weren zu hülff Kom-  
 men/vnd ist ihm diß gemein mit dem Antichrist zu  
 Rom/ der Martyrem, Caluinum vnd Bezam für die  
 größte Ketzer in der Welt helt vnd anfeindet / dies  
 weil sie seiner Abgötterey ein grossen stoß gethan /  
 vñd wie der Papst alle ergernuß vnd zerrüttung  
 gen/vnder andern den Bawrenkrieg anno 25/vnd  
 den Protestirenden krieg anno 46/dem Luther vñ  
 seiner lehr zugeschrieben: also muß dem Osiandro  
 diereine Lehr des Euangelij ein vrsach sein alles  
 Jamers im Tüderland/ Frantreich vñnd anderstz  
 wo/das das Euangelium gepredigt wirdt. Dieses  
 Argument oder diese schlusred haben der Papst zu  
 Stutgart/vnd der Papst zu Rom gelehrnet / von  
 den vngleubigen Jüden/die Jerem. 44 cap. sagten:  
 Sind der zeit wir haben abgelassen der Königin  
 des Himmels zu reuchern/vnd tranckopffer zu opf-  
 fern/haben wir alle mangel gelittē/vñ sind durch  
 Schwerd vnd hunger vmbkommen/te. Was sonst  
 Carlstat anlangen thut/wie offte haben alle vnser  
 Kirchen vñ Kirchenlehrer bezeuget/dass sie mit sei-  
 nen auslegungē vnd handlungē nichts zuthun het-  
 ten: wie offte ist auß den Tomis Lutheri erwiesen wor-  
 den/dass es besser gewesen were/er D. Luther durch  
 darreichung eines Goldguldens / vnd seine prouo-  
 cation het solchen lermen nit angezündet/ oder zum

wenigsten nicht continuirt vnd grösser gemacht/  
wie auch er bewlicher wer gewesen/ daß er viel mehr  
wider die irdische weisheit / dan wider die himlische  
Prophten geschriben vnnnd gestritten het/ dann  
die irdische weisheit ist Teuflisch / spricht S. Jac  
cob 3 cap. bringt neid/ zant/ vnordnung vnd eitel  
böse ding/ die weisheit aber von oben her ist keusch/  
fridsam/ gelind/ vnparteyisch.

Die ver-  
meinte  
gründ D.  
siandri wi  
der vn-  
schuldige  
Christen/  
die er Cal-  
uinisten  
nennt.

Last vns aber hören / mit was schein vnnnd  
gründen D. Oslander seine lesterungen/ Anathema-  
ta vnnnd verdammungen dero / so er Caluinianer  
nennt / wider das Christlich Mandat vnserer Gne-  
digsten Herrschafft zubeschöner / vnd zubehaupten  
sich vnderstehe. Sein erster grund ist dieser: Es seit  
ihm nicht also/ daß Chur vnd Fürsten vnnnd andere  
Ständ sich vor dieser zeit verglichen haben solche  
condemnationes einzustellen. Diereil aber Oslan-  
der wol weiß / daß alle Reichs abscheid / in welchen  
keiner verdammung der Zwinglischen vnd Calui-  
nischen gedacht wirdt/ vnd sonderlich der Naim-  
burgisch Recels, vnd zu vor der Franckfordische ab-  
scheid / da außdrucklich solche condemnationes, ob  
sie wol von etlichen gesucht worden / außgelassen/  
eingesete vn abgeschlagen worden/ mit außdruck-  
licher erklärung / daß man durch solche conde-  
mnationes kein vrsach geben woll/ jemandis von der  
gemeinschaft der Augspurgischen Confession vnnnd  
auß dem Religions frieden zuschliessen / wider ihn  
sich schliessen/ die Chur and Fürsten haben ihren Theol  
logen gestatter die Caluinische lehr in offentlichem  
schrifften zu widerlegen: It em/ haben dem Concor-  
dibuch

dibuch vndergeschrieben: Item / Pfalzgraff Lud-  
 wig Churfürst etc. hat mögen leiden / das die Zwings-  
 lischen in der Hoffcapell / inn seiner Ch. G. gegen-  
 wart / hart sind gestrafft worden: Item / ihre  
 Ch. G. haben etliche vorneme diener / vnnnd die  
 Pfarherr / so in verwerffung des Calvinismi nit  
 eingewilliget / ihrer diensten erlassen / auch sich da-  
 hin erklärt / sie weren den Calvinischen von hertzen  
 feind / folget / spricht Dsiander / das Chur vnd Für-  
 sten die condemnationes oder verdammungen der  
 Calvinischen nie eingestelt haben. Nilff Gott wie  
 ist das ein selzamer vngeschickter vnd vngegründ-  
 ter beweis: das Christlich Mandat zeucht sich  
 auff gemeine Reichs Recels, vnd öffentliche allges-  
 meine handlungen vnd erklärungen der Churfür-  
 sten vñ Ständ des Reichs / so führet vns Dsiander  
 in ein Hoffcapell oder zwo / vnd das sollen gemeine  
 abscheyd des Reichs sein / was hentigs tags etliche  
 verleumbder darin predigē. Die Frag ist von Chur  
 vnd Fürsten / so weiset vns Dsiander auff etliche  
 Clamanten, die wider vns predigen. Zu dem / wer  
 wiet ihm dieses passiren lassen / das alles was in der  
 Chur vnd Fürsten gegenwart / vnd in ihren Hoff-  
 capellen gepredigt werd / den Fürsten als bald ge-  
 fallen vnd angemem sey: Sintemal die Zuhörer die  
 Lehr prüfen / vnd was auß Menschlichen affecten vñ  
 ohn grunde der schrift geredt wirt / in alle weg vñ  
 der scheiden vnd mercken sollen. Es hat im D. la-  
 cobus Andrea selbst nicht alles gefallen lassen / was  
 er von den Heidelbergischen Hoffpredigern anno  
 80 in der Hoffcapell / vnd zu Margrauen Baden  
 gehöret hat / vnnnd da ihm Pfalzgraff Ludwig

NOTA

Churfürst damals gefolget/het er seine Hoffpredi-  
 ger nicht lang geduldet. Hat auch ohn zweiffel dem  
 frommen Churfürsten Ludwigen in seinem Herr-  
 tzen vbel gefallen / daß etliche vnuerſchamte Pre-  
 digen ſeinen lieben Herrn Vater löblichſter ge-  
 dechnus/vnd ſeine Chriſtliche lehr dem Teuffel ge-  
 ben haben / wie alle tag zu Heidelberg vnd ander ſt-  
 wo treſſliche/vornehme Rät / die ſonſt Lutheriſch  
 ſind / vnd die Lutheriſchen Predigten hörē/bezeu-  
 gen / daß ſie an ſolchen vnzeitigen vnd leſterhaften  
 verdammungen nie kein gefallen getragen. Dar-  
 rumb auch Pfaltzgraff Ludwig Churfürſt vor  
 etlich jahren mit ſeinen vornemſten Räten dahin  
 entſchloſſen / vnnnd ſich mit vnſerm Gnedigſten  
 Herrn Herzog Johan Caſimir. Chriſtlich vnd  
 brüderlich verglichen / daß dergleichen condemna-  
 tionen eingeſtelt werden ſolten / ob er ſchon ſolcher  
 von etlichen ſeinen halſtarrigen vnruwigen mit  
 dem Flaccianiſchen vñ Vbiquitiſtiſchen geiſt einge-  
 nommenen Predigern nicht hat können erlangen  
 vngeachtet / dieſelbe zu vnderſchiedlichen maalen  
 wie mit glaubwürdigen leuten zu beweifen / von ſei-  
 ner Ch. G. darumb ernſtlich geſtrafft / vnd ſolcher  
 verdammungen vnnnd leſterungen ſich zuenthal-  
 ten erinnert worden. So hat auch vnſere gene-  
 digſte Herrſchafft die namen vnnnd handſchriſten  
 der jenigē vnruwigen practicanten / die ſrer Ch. G.  
 keine ruh gelaffen / vnd dieſelbe wider ihre angebor-  
 ne ſanfftmütige art vnnnd natur / ja auch wider ihre  
 vorhaben zu ſolcher abſchaffung der diener vnnnd  
 Prediger / vnnnd zur verbitterung wider die genant-  
 ten Calviniſchen gleichſam gedrungen haben / weil  
 chen

NOTA





buch verdeckte Vbiquitet betrogen / vnnnd das mit  
 ihnen von dem vornemsten Authore des Concoedi  
 buchs nicht auffrecht gehandelt worden. Ist nun  
 das nicht vmb Gottes willen ein schön Apophtheg  
 ma oder weiser spruch / welchen Slander vñ Pfaltz  
 grauen Ludwigen Churfürsten etc. erzelen / vnnnd  
 mit grossen buchstaben verzeichnen darff / das er  
 nemlich sol gesagt haben : Er were den Galuini  
 sten von hertzen feind. Dann wann Slander ein  
 tröpflein Theologischen bluts / oder rechten ver  
 stands hette / würd er das nimmermehr erzelen / wie  
 weniger so hoch angezogen vnnnd gerümbt haben.  
 Dieweil ein Christ den irrthumben / nicht aber den  
 Personen feind sein sol. Vnnnd solte je der Chur  
 fürst wie Slander fürgibt / den Galuinisten als  
 von hertzen feind gewesen sein / müßt er seinem lieben  
 Herrn Vatter / desgleichen seinem geliebten Bru  
 der / vnserm Gnedigsten Herrn / wie auch vielen  
 vornemmen Rhäten / die ihre Ch. G. alle tag an  
 der Taffel gehabt / vnnnd für Calvinisch außgeschrien  
 worden / von hertzen feind gewesen sein. Darvmb  
 nicht zuermuten / das der from vnnnd verstandige  
 Churfürst solchs der gestalt geredt / oder aber wird  
 diß der verstand gewesen sein / wie es mit andern  
 Fürsten vnnnd vielen guten leuten auch solche mei  
 nung hat : Das sie dem Calvinismo so fere ir  
 thumb sey / wie diese lesterer vorgeben / da nemlich  
 Christo sein Testament cassirt / sein allmacht ge  
 leugnet / er von seinem Thron abgesetzt / ein Arrianer  
 mus eingefüret / nichts dann blosser zeichen auß den  
 Sacra

Sacramenten gemacht. Wenn das der Calvinismus  
 were: wer solt einem solchen Calvinismo von grund  
 des herzens nicht feind sein/wie wir rund vor Gott  
 vnd der welt zeugen/das keine leucht auff erden sol-  
 den geweln/die von den Ubiquitisten vnnnd Glac-  
 cianern auff vns erdacht sind/so feind vnd abhold  
 sind/als wir selbst/wie es dann auch zu jederzeit die  
 vornembste bescheidene Lehrer der Augspurgische  
 Confesion wol gemerckt/ vnd deswegen brüderli-  
 che freundschaft mit vnsern Kirchen gesucht ha-  
 ben: Vnd zwar/wer in der warheit vndeigentlich  
 wissen wil/was böse friedhässige leucht den CALVI-  
 NISMUM nennen/ vnd vnder diesem namen bey den  
 einseleigen so verhaßt machen/ist es nichts anderst  
 als die lehr von den H. Sacramenten/welche die  
 allgemeine Euangelische Christliche Kirch meh-  
 rertheils/sonderlich aber die Kirchen/ so durch  
 langwreig Creuz bewert sind/schöpffen vnd holen/  
 nicht auß dem groben/vnnnd doch von etlichen so  
 hoch gehümpten widerruff Berengarij durch den  
 Papst Nicolaum gemacht/oder auß dem Cardinale  
 Cameracense.vnd den Streitschriften D.Lutheri/  
 sonder auß den klaren/ganzen worten der ein-  
 ung des H. Abendmals: Frem/ auß der art zu reden  
 von den H. Sacramenten/die in der ganzen Heyl-  
 Schrifft breuchlich/ vnd auß der eigentlichen ver-  
 heissung des Euangelij/ alles nach anweisung des  
 H. Apostels S. Pauli/vnd auch der Apologi Aug-  
 spurgischer Confesion/ vnd zuvorderst den Arti-  
 celn vnser Christlichen Glaubens von vnserm  
 HERRN Jesu Christo/der da zwo vnderchiedli-  
 che Naturen hat/vnd deswegen/ob er schon in bei-

Was ei-  
 gentlich  
 Calvini-  
 smus sey.

den Naturen vnser einiger / gangen / vnzerreuter  
 Heyland vnd Emanuel ist / wirt er doch nach art  
 der Menschheit vñ seines Fleischs in gewissen ort  
 wo vnd wie er will vmbgeschrieben: Ist aber vñ reichte  
 allenthalben / nach seiner vnendlichen ohn vmb-  
 schriebenen natur / nemlich nach der Gottheit. Dis  
 ist der recht Catholisch glaub (spricht Vigilius lib. 4  
 contra Eutychem) vnd eben die bekantnuß / welche  
 die Apostel vbergeben / die Martyrer betreffende  
 vñnd die Gläubigen zu jeder zeit behalten haben  
 Solchen glauben aber nennen heut die Vbiquite-  
 sten einen Calvinischen glauben / da wir doch we-  
 der in Schrifften / noch auff den Canglen zum Cal-  
 uino, sonder allein zu der H. Schrifft alten vñnd  
 neuen Testaments / vnd zu den bewerten Symbolis  
 Ecclesie vns beruffen. Was sonst die Person Iohan-  
 nis Caluini anlangt / ist er ein Mensch gewesen wie  
 D. Luther / ein Prediger vñnd lehrer des Euang-  
 gelij wie D. Luther / allein das er kein Mönch ge-  
 wesen / wie Luthers selbst deswegen desto mehr  
 nach dencken vñnd gedule mit seiner lehr zu haben  
 erinnert: dieweil er als ein Mönch im Papstumb  
 sehr tieff gesteckt / hat auch Caluinus der massen das  
 alte vnd newe Testament erkläret / das ihn vor er-  
 lich Jaren D. Iacobus Andrea sein Præptorem ge-  
 nennet hat. Ist auch seliglich vnd inn der anru-  
 fung Jesu Christi entschlaffen / nicht weniger als  
 D. Luther Vnd weiß die ganze Christenheit / zu  
 gens auch seine schrifft / dz in viel jarn kein Lehrer  
 gelebt / der die gewel des Papstums / desgleichen  
 die Arrianer / Seruetianer / Widerrenffer / Libera-  
 riner vnd andere Secte statlicher vñ mit grösser  
 ernst

Wer Cal-  
 uinus ge-  
 wesen.

ernst vnd eiffer / als er / widerlegt hab. Darumb es  
 zuerbarmen / daß schier ein jeder Bachant / der nur  
 ein jar auff einer Vniuersitet gestudirt / vnnnd vom  
 Caluino vnd andern gleichen rüstzeugen Gottes /  
 nichts anderst weiß / noch wissen darff / denn was er  
 von etlichen vnstüngen leuten hat hören plaudern /  
 wann er auff die Cangel Kompt / an Caluino, Marty-  
 re, Beza, Danxo, &c. will Ritter werden / dieselbige  
 bößlich verleßtern / vnd also den gemeinen einfelti-  
 gen mann / der von diesen streiten nichts weiß / vnnnd  
 die verantwortung derselbigen Lehrern nicht ge-  
 hört oder gesehen / irremachen. Soll es dann nicht  
 recht vnnnd Christlich seyn / da das Mandat vnser  
 Gnedigsten Herrn solch vnbesüßte leßtern / wie auch  
 die partyische Namen absetzt. Dann zur zeit S.  
 Pauli / waren wol bey den Corinthern viel gewalti-  
 gere irrthumben eingerissen / vnd wil dannoch der  
 h. Apostel nicht haben / das sich jemand Paulisch  
 nenne. Zur zeit Athanasij, der ein solcher gewaltiger  
 Kämpffer gewesen ist wider die Arrianer / vnd so ein  
 schon glaubens bekantnuß gestellt / haben sich die  
 Christen nie Athanasianer genent / wie vnser ge-  
 schickheil sich Lutherisch nennet / vnnnd mit grossem Schand.  
 spur vnd verkleinerung der Euangelischen Kirck /  
 den Papissten den titel der CATHOLISCHEN einge-  
 raumt vnd folgen lassen.

Der ander grund vnnnd schein Ssiandri / wa-  
 rum er meint daß einem eifferigen Prediger nicht  
 zuerweisen / wann er die Calvinische lehr ernstlich  
 auff der Cangel strafft / ist genommen auß dem vr-  
 theil vnd vnwidersprechlichen sententz dieses Car-  
 dinals der Vbiquitet: Dann er also dauon redet /

Osiandri  
horn wi-  
der die Po-  
litische  
Räth.

NOTA

Tous. 7.  
Vireb.  
Ein Lu-  
therische  
warnung  
an Luc.  
Osiander.

NOTA

als wann sein mund allein solte seyn ein regel der  
warheit/ vnd ist dermassen im harnisch/ das er kein  
sanfftmur/ sonder lauter ernst wider die arme vnd  
schuldige Calvinisten wil bewiesen haben/ ja er ist  
also entriestet/ das er sich auch an die Politische vnd  
weltliche Räth macht/ vnd will dieselbige auff allen  
Cantzleyen der Chur vnd Fürsten/ vnd auff allen  
Rathshausern der Städten verbannen/ dieweil  
dieselbige seinem vorgebē nach/ nichts guts/ sonder  
lauter Schaden practiciren. Da sollen billich alle  
verständige Politische Räth diesem Hoffpractican-  
ten Osiandro/ vnd seines gleichen auff die gartn set-  
zen/ vnd sein mercken/ wieder Antichristlich Geist  
sich in ihnen reget/ vnd was diese Beichväter den  
frommē Fürsten für seine Consilia geben/ auch wo-  
her die verbitterung/ vnd vnbefugte verordnung  
gen in etlichen Fürstlichen Testamenten kommen/  
nemlich nicht von dē Fürsten selbs/ sondern von der  
importunitet/ von dem verhezen vnd angebē dieser  
Practicanten/ welche D. Luther sehr wol abma-  
let in 2 Timot. 3: Sie sind freueler ohn alle forcht  
Gottes/ spricht er/ als were es vnmöglich/ das sie  
irren möchten/ oder niemands verhanden/ der sie  
straffen würd: Dieweil sie sich auff allen richter ge-  
zogen haben/ ist kein ding das ihnen fürkompr/ das  
sie auch nicht frechlich vnd thurstig wagen dörfen/  
wo sie nur raum vnd fug haben. Solche vntugend  
nennen sie ZELVM VERITATIS ET IUSTITIAE.  
wann dieser deckel fūrgewendte wirdt/ da hūre dich/  
da ist gewislich eitel freuel vnd thurst. Item: Sie  
sind auffgeblasen/ spricht Lutherus/ da brūssen  
sie

sie sich vnd sagen: Wer wil vns wehren? Wir sind  
 befreier / vnd von jederman außzogen / wir sollen  
 richten vnd straffen / vns sol niemand richten noch  
 straffen zc. Wer ist aber D. Osiander / vnd wann  
 schon deren noch sieben weren / daß von wegen seis-  
 nes vrtheils / so viel vnschuldiger leut sollen ver-  
 dampt vnd verbandt sein / oder warumb soll man  
 mehr auff Osiandri, Flacij, oder des Schüzge zu Wir-  
 tenberg vrtheil gebē / als auff das vrtheil der thew-  
 remänner Philippi Melanchthonis, Buceri, Crucigeri,  
 Capitonis, Hyperij, Victorini, vnd andern Præcepto-  
 ren / ja auff das vrteil der allgemeinen Euangeli-  
 schen Kirchen? Dann solt man heut in einer freien  
 versamlung das vrtheil 8 Euangelischen Kirchen  
 anhören / würde sich finden / daß sie vnser Christli-  
 che Lehr gut heissen / vnd aber vber Osiandrum vnd  
 seine Consorten klagen / auch klärlich darthun wür-  
 den / daß sie nichts richtigs von den H. Sacramen-  
 ten lehrten / vnd die vornembste Articul des Glau-  
 bens verkerren. Darumb auch diese Herrn / welche  
 ein solches wol riechen / von keinem freyen Synodo  
 etwas hören oder wissen wollen.

Der dritte vermeinte grund Osiandri wider  
 die Genanten Caluinisten / darumb man sie ohne  
 schwer verdammen sol / seind seine Censuræ, das ist /  
 zum theil verkehrungen vnser Lehr / zum theil sol-  
 che anziehung derselbigen / die gar nichts wider vns  
 beweiset. Gibt für / das die Stifter des Mandats  
 verfelbig nicht von der gegenwart / sonder von der  
 weise der gegenwart were. Das heist aber nicht  
 verkleinern / endern / oder verkerren den haupt-

Warumb  
 die Ubiqui-  
 tisten den  
 freien Sy-  
 nodis so  
 feind.

pag. 3.

Es haupt  
 streit.

streit/dann es weisens alle handlungen vnd schriff-  
ten der vnsern/das sie nie die gegenwart vñ gemein-  
schafft Christi geleugnet/sonder allein die leibliche  
gegenwart in den irdischen Elementen/vnnd die  
mündliche niessung des natürlichen leibs Christi  
wie gleich im anfang dieses Streits auß den Actis  
was sich D. Luther mit Zwinglio/Bucero/Deco-  
lampadio vnnd andern auff der Conuocation zu  
Marburg den 3 tag Octob. Anno 29 verglichen/er-  
scheint/das sie von der Person Christi/von der  
Tauff/vnnd andern puncten eins worden/allen

NOTA. sey vnverglichen blieben: Ob der waare Leib vñ  
blut Christi leiblich im Brot vnnd Wein sey/er-  
Dann die vnsern allwegen bewiesen vnnd darge-  
than/das die waare gegenwart vnd gemeinschaft  
Christi/welche in der schrift gerühmet werde/ist  
nicht in den irdischen Elementen/sonder in vñ  
Christgläubigen zuzuchen vnd zubetrachten/vñ in  
nach vns die verheissungen geschehen seind/vñ in  
vns Christus als in seinen gliedmassen wohnen wil  
Ist auch zuerbarmen/das diese leuth so irdisch vñ  
fleischlich gesinnet/das sie meinen/es sey nichts wer-  
thafftig gegenwertig dann was sie in den Händen  
haben/vnnd mit dem leiblichen mund empfangen  
als wann dem glauben vñ der seelen nichts gegen-  
wertig were/oder der allmechtige Geist Christi  
nichts zu solcher waaren gegenwart schaffen könn-  
te. Vnnd darff der Hoffprediger Oslander diese off-  
fenbare Calumniā wider sein gewissen widerholen  
als solten wir lehren/wir hetten gemeinschaft mit  
den wolthaten Christi/aber nit mit Christo selbst  
dara

da er mit seinen Consorten sehr wol weiß / daß eben  
 die vnserer solchen irrthumb in dem Allemanno Lug-  
 dunensi vnd andern gestrafft haben / wie auch in den  
 Vbiquisten dieser irrthumb zu straffen ist / das sie  
 meinen / man könne ohn Christo / vnnnd außserhalb  
 Christo seiner wolthaten / seines lebens vñ des glau-  
 bens theilhafftig sein / welches stracks ist wider die  
 lehr Joh. 15 cap. Gleich wie die reb kan kein frucht  
 bringen / sie bleib dann am Weinstock: also jr nit/  
 ihr bleib dann in mir / dann ohn mich könt ihr  
 nichts thun. Also ist ferners zumerckē, das ob schon  
 Dsiander auß dem Consensu Caluini cum Tigurinis,  
 vnnnd auß dem Beza etwas herauß zu zwacken sich  
 vnderstehet / damit er gern beweisen wolt / daß sie  
 die ware gegenwart Christi nicht bekant hetten / so  
 macht er sich nur hiemit desto mehr zuschanden.  
 Dann es sihet nur hiemit desto mehr zuschanden.  
 Dann es sihet jedermenniglich / das er blind vnnnd  
 taub sein müsse / wann er nicht sihet vnd höret / was  
 ihm vnd seinen Consorten so offte geantwortet wor-  
 den / vnnnd ob schon zu Stutgard oder Tübingen  
 solche schrifftten der vnsern nicht dörffen gelesen  
 werden / habens doch viel tausend andere gelesen /  
 vnnnd sie selbs müssen gestehen / vnd lehrens auch mit  
 vns / daß wann man das wesen menschlicher natur  
 ansihet / sey Christus mit seinem Leib an einem ort  
 natürlich vnd wesendlich. Man ist aber gewiß / das  
 der Leib Christi auch in der persönlichen verein-  
 gung sein natur vnnnd wesen nit verlieret / darumb  
 er auch vmbgeschrieben bleibt. Wil aber Dsiander die  
 vnsern straffen / so straffer die artickel des Glaubens  
 vnd

Irrthumb  
 Dsianderi.

Jacobus  
 Andresius  
 der Pre-  
 digt zu Es-  
 ling. pag.  
 44.



Coloff. 3.  
1. Pet. 3.  
Heb. 4.

vñ die H. Schrift / welche zeuget daß der Leib Christi  
gen Himmel gefahren / daselbsten sey vñnd nicht  
auff Erden. Darumber auch vermög der Schrift  
orts halben so weit von den irdischen Elementen  
ist / als der Himmel von der Erden. Es haben  
aber wol tausendmal die vnser richtig erkläret  
daß es nicht folge: Christi Leib ist orts halben im  
Himmel / vñnd nicht im brodt vñnd wein: Darumb  
ist er vñns aller dings nicht gegenwertig. Dann er  
vñns als vnser haupt gegenwertig ist / wie dann das  
haupt allen gliedern des menschlichen leibs gegen  
wertig ist / ob es schon nit eben an dem ort ist / da alle  
andere glieder sindt. Also ein Prediger auff der  
Canzel ist allen seinen Zuhörern gegenwertig / ob  
er schon nicht in dem ort stehet / da sie alle stehen.  
Viel mehr ist vñns der Leib Christi gegenwertig / da  
wir in nach art der gnaden gaben / im wort der ver  
heissung empfangen / vñnd mit ihme durch das star  
cke band des H. Geistes vereiniger / also das er in  
vñns vñnd wir in ihme leben. Solche weis der gegen  
wart / dauon die ganze H. Schrift zeuget / wollen  
diese Theologen nicht erkennen oder mercken / in  
massen solche wahre tröstliche gegenwart von den  
vñnsern so statlich außgeführt / vñnd wider die calu  
nien dieser Clamanten bekant worden / als vñnd  
andern lib. 4 Institutionum Caluini, cap. 17, Sect. 10.  
Vñnd in dem schönen büchlein Iosia Simleri, de vera  
Christi praesentia in Coena. Item / in den verantwor  
tungen Beza wider Selnecker, wider Sanctesum Mo  
nachum: wider tredecim viros Torgenses, vñnd son  
an mehr orten. Vñnd ist wunder / wie diese vñnruw  
ge leut auff so viel erklärungen Beza so viel gepläz  
auff

Von der  
gegenwart  
Christi.

auff allen Cangeln dauon machen / das er gesagt  
 hab / der Leib Christi sey so weit von den Elemen-  
 ten des Abendmals als der oberst Himmel von der  
 Erden ist / da doch Herzog Christoffel von Wür-  
 tenberg / 2c. löblicher gedächtnuß / vnd Brentius in  
 dem zu Elßasßabern mit dem Cardinal von Lot-  
 ringen gehaltenē gespräch im Februario anno 1562  
 (wie das vberschickt Protocollum, so in der Chur-  
 fürstlichen Cansley vorhanden außweiset) ermel-  
 ten Bezam mit diesen Worten verthediget haben:  
 Herzog von Guise hat berichtet / welcher gestalt  
 der Beza öffentlich geprediget / daß so weit Himmel  
 vnd Erden von einander: also weit wer auch der  
 ware Leib vnd das Blut Christi von dem brot vnd  
 wein des Nachtmals / vnd were nur ein geistliche  
 messung. Auff welches Herzog zu Würtemberg  
 geantwortet / S. S. G. achten darfür / daß ge-  
 dachter Beza dieses crasso modo verstanden /  
 vnd sein thema dahin gerichtet / des Pabstumbs  
 greuel / in dem da vermeint wirt / den H E X X N  
 Christum in das brot zu beschwehre / in das heuß-  
 lin einzuspere / vnd folgendß zum spectakel he-  
 rumb zutragen / vnd also den gefangenen Chris-  
 tum dem Volck im Brot zu dem anbeten / für zu-  
 zeigen / damit abzuleinen.

Das aber Ostander weiter klage / die vnsern  
 lehren / der Leib Christi sey weder himlischer noch  
 irdischer weiß zugleich in vielen orten / ist eben so

Herzog  
 Christoffel  
 von Wür-  
 tenberg  
 entschul-  
 diget Be-  
 zam wi-  
 der den  
 Cardinal  
 von Lot-  
 ringen /  
 vnd des je-  
 zigen Car-  
 dinals zu  
 Stuttgart  
 lestern.

Luc. 24.

viel als wann er die anklage wolte / die da lehren / der  
 Leib Christi sey ein wahrer natürlicher Leib / der nicht  
 zumal ein Leib vñ kein Leib sey : gewiß aber ist es / daß  
 der Herr nicht widerwertige eigenschafften in sei-  
 ner angenommen menschlichen Natur hat / vñ auch  
 seinen Leib an jenem tag / in seiner höchsten Glori-  
 men nicht auß vielen orten / sonder vom Himmel Kom-  
 men wirdt / zu richten die lebendige vñnd die todten :  
 vñnd ist ferner s gewiß / da er sein heiliges Abendmal  
 eingesetzt / daß sein Leib nit zugleich an vielen orten  
 sonder allein am Tisch bey den Jüngern gewesen :  
 Item / nach der Auferstehung war er nit zugleich  
 in dem grab / vñnd außser dem grab / dann die Engel  
 außsprüchlich sagen : Er ist nicht hie / sonder ist auß-  
 erstanden. Vñnd sollen sich des wegen diese Claman-  
 ten doch einmal ihrer groben offenbarlichen Calu-  
 mnien schämen / als da Psander pag 12 ferner für-  
 gibt / daß wir durch das wort / Christus / allein die  
 Gottheit Christi verstehen / Kan es aber doch mit  
 einem Buchstaben nicht beweisen / sonder bekennen  
 selbs mit allen seinen Consorten / daß wir lehren  
 vñnd glauben / wir seyen des Leibs Christi theilhaff-  
 tig / vñnd daß wir stets führen den text Johan. 6 von  
 dem lebendigmachenden Fleisch vñnd Blut Jhesu  
 Christi / welcher text freylich nicht von der Got-  
 heit / sonder von dem für vns gegebenen Leib Chri-  
 sti / vñnd also von dem hauptstück vñnd schatz des Sa-  
 craments lauter. Dan nun der ware vñnd natürli-  
 che Leib Christi vermög des texts Johan. 6 wahr-  
 hafftig gessen wirdt / vñnd aber nicht gessen werden  
 möcht / wo er vns nicht gegenwertig wer / folget vñnd  
 widersprechlich / daß zu der wahrnehmung des Leibs  
 Christi

Christi die leibliche gegenwart in den irrdischen E-  
 lementen nicht erfordert werde / wie diese leuth von  
 vns schreien / das wir keine wahre gegenwart des  
 Leibs Christi glauben / dieweil wir nicht halten /  
 das sein Leib leiblich im brot seye. Das ihm aber pag 16.  
 wechethut / da wir von jnen sagen vñ klagen / wie sie  
 singen / schreiben vñ lehren / der Leib Christi sey im  
 brot verborgen / können wir nichts dafür: Dann  
 wann sie es nicht grob meinen / sollen sie nicht grob  
 mit dem Pappst Nicolao reden / Naturaliter, corpora-  
 liter, sensualiter. Item / was der Priester in der hand  
 hat vnd in mund gibt: Item / da das brot ist / da ist  
 der Leib Christi / wie ein Kind in der wiegen / gelt im  
 seckel / Wein in der kandten / wie dann durch solche  
 gleichnussen ihre Scribenten die wort des Abend-  
 mals erklären / sonder solten von verbergung des  
 Leibs Christi anderer gestalt nicht / dann wie die  
 Alten von diesem geheimnus reden / schreiben: das  
 er nemlich den eusserlichen sinnen verborgen sey / die-  
 weil er inwendig vnd geistlich genossen / da die eus-  
 serliche zeichen eusserlich vñnd leiblich empfangen  
 werden.

Der vierte eingewante grund / durch welchen Wer von  
 der Aug-  
 spurgische  
 Confession  
 sich abge-  
 sondert  
 hab.  
 Dslander sein schreien vnd lestern wider die Calu-  
 nisten zubeschönen vermeint / ist dieses nichtig für  
 geben / als wann wir vns von der Augspurgischen  
 Confession abgesondert / vnd vnser lehr darin ver-  
 worffen were: Da es doch weltkundig vnd von den  
 vnsern offft berichtet worden / wie sie sich Anno 30 /  
 nicht zwar von der Augspurgischen Confession /  
 sondern allein von dem Artickel vom Nachtmal/  
 der sonderlich in der ersten Apologi gar Pappstlich

gelantet/ auch deswegen von den Pöpstlichen approbirt worden / gesondert haben / darumb auch derselbige Artickel ein Jar hernach wol bedächtlich corrigirt vnd geendert / dadann die von Straßburg / wegen solcher erklärang vnnnd Concordi / die Anno 36 zu Wirteberg gefolge ist / sich zu der Augspurgischen Confession / als die mit ihrer Confession vberein käm / öffentlich bekennet. In massen die se ding außführlich von den vnsern in Historia Augustanæ Confessionis & eius Supplemento auß der Schweitzer schreiben an Lutherum / vnd auch auß der handlung Buceri vnnnd Capitonis mit dem Rabe zu Bern dargethan worden. Ist derhalben ein grundloses gedicht Osiandri / daß er schreibt / die vnseren haben nicht viel nach der Augspurgischen Confession gefragt / biß anno 55. damit sie in Religionis frieden möchren begreiffen werden. Denn wie es vmb den Religion frieden / so anno 55 / nicht zwar erst auffgerichtet / sonder vernewert / vnd in etlichen puncten vermehret ist worden / in warheit beschaffen sey / daß mag sich Osiander auß dem was am end der Augspurgischen Confession demori / zur Newstatt außgangē / hienon tractirt wirdt / erlehren: Alda er befinden wirdt / das der erst Religionis fridstand mit den Papißten / seinen anfang zu Schweinfurt Anno 1532 gehabt / in welchem fridstand die vier oberländische Stätt / bey ihrer zu Augspurg vbergebener Confession / wie die selbe zu der zeit in ihren Kirchen im gebrauch war / als der Augspurgischen Confession verwandt / von den Keyserlichen Commissarien sind angenommen / auch hernach allweg bey solcher ihrer vnder

Dem Religionis frieden.

verenderter lehr bey allen nachfolgenden wider  
 erneuerten Religionsfrieds handlungen / vn-  
 aufgeschlossen blieben / als zu Franckfurt anno  
 1539. Item zu Speyer vnnnd Regenspurg biß auff  
 den Schmalkaldischen Krieg / in massen dann  
 auch damals der Herzog von Württemberg / dessen  
 Theologen zu der selbzeit von der Vbiquitet nichts  
 wußten / vnd es viel mehr mit vnsern Kirchen hiel-  
 ten / in solchem Religionsfried begrieffen war / wie  
 dann der hernach erneuerte Religionsfriede / da-  
 mit vñ ander so sehr truzet / was den Artickel  
 von beiden Religionen / so in dem Religionfrieden  
 begrieffen sein sollen / anlangt / von wort zu wort  
 auß dem vorigen Franckfurtischen temporal Reli-  
 gion friedstand genommen ist. Wann nun der  
 Anno 1555 wider erneuerten Religionfried bey dem  
 verstand der vorigen auffgerichten / vnderlich mal  
 verneuerten Religionfried ständen blieben / so ist  
 es gewiß / daß die vnser nicht aufgeschlossen / son-  
 der viel mehr die Vbiquitisten / vnnnd newe Sian-  
 dristen / welche von der Concordi Lutheri vnd Buceri  
 zu Wittenberg Anno 36 auffgerichtet / vnd von der  
 Augspurgischen Confession zu den Streitschiff-  
 ten Lutheri / vnd zu der in keinem Religionsfriede  
 schon allbereit die Pöpstliche ständ / vnd mehr dann  
 der halb theil der Euangelischen ständ erkennen  
 vnd zengen / daß solche lehr / Das der Leib Christi  
 in allen orten sey / wie die rechte hand Gottes / in  
 der Augspurgischen Confession weder gesetzt / noch  
 gemeint sey / vil weniger findet sich in gemelter Con-  
 fession oder in dem Religionsfrieden dieser newe

Die Vbi-  
 quitet aus  
 dem Reli-  
 gionsfriede  
 aufge-  
 schlossen.

Newer  
 Sstand als  
 mus.

Osiandristus, da er Osiander in seinen zwoen Predi-  
gen geschrieben: Wer keinen andern grund hette  
als die wort der einsagung / vnd nit glaubte / der  
leib Christi wer vor im brot / wie auch allenthalben  
der möcht ober nacht Zwinglisch vnd ein Sacra-  
mentirer werden. Sonst was den Religionsfriede  
anlangt / derselbig kan zwar niemands helfen wi-  
der die friedhässige Clamanten, quibus nunquam est  
pax, spricht Esai. 57 cap. Vnd haben vnserer Kir-  
chen in irem manigfaltigen creutz vnd elend / wie  
noch etliche vorneme Ständ des Reichs / sich viel  
mehr des frieden Gottes vnd seiner gnaden / dann  
eins solchen Religionfriedens müssen getrostet.

Die gegen-  
tehr im ze-  
henden Ar-  
ticular Aug-  
spurgisch-  
er Confes-  
sion.

Vbiq̄uiti-  
ten vnd  
Flaccia-  
ner sind  
solche gäst  
die den wirt  
vertreiben.

Was weiter Osiander von der gegenlehr / die  
im zehenden Artickel der Augspurgischen Confessi-  
on verworffen wirdt / herfür bringet / dasselbig ge-  
het vns gar nicht an / sonder die Widerteuffer vnd  
die jenigen / so die Sacrament vernichtigen / wie es  
ausdrücklich gemeldet wirdt in dē Reichs abschied  
der damals auffgericht ist worden. Er Osiander  
selbs bekennet / daß wir vnserlehr von den 10. Sa-  
cramenten / durch gewisse fragstück / so der listige  
Wan eine Fastnacht rock vergleicht / auß der Aug-  
spurgischen Confession vnd Apologi bewiesen vnd  
bestetiget haben: Spricht aber hönisch / das wir  
allein der Augspurgischen Confession sein wollen  
vnd es sey ein böser Gast / der den Wirt vertreibt.  
Wer thut aber solches / dann eben die Vbiq̄uititen  
vnd Flaccianer: die solche böse vnartige Gäst sind  
daß sie den Wirt / das ist / den authorem Augustani  
Confessionis, Philippum Melancthonem verspotte-  
schmehnen

schmehen/ vnd auß der anzahl der reinen Lehrer ser  
 gen vnd vertreiben: Item durch ihre newe Nor  
 man vnd eingewandte erklerung der Augspurgi  
 schen Confession/ darinn sie newe Puncten/ die in  
 derselben nicht stehen/ herfür bringen/ vnd ihre  
 grund nicht auß der Apologi/ sonder auß den streit  
 schriften Lutheri holen/ damit verkleinern vnd  
 stossen sie auß die Augspurgische Confession vnd  
 Apologi. In summa sie sind eben die jenige/ die auß  
 mancherley farben vnd tuchern einen rechten Saff  
 nacht rock in ihrem Concordibuch zusammen ge  
 sticht haben/ in dem sie so mancherley Symbola, vnd  
 unterschiedlicher Authorum schriften/ auch ganz  
 widerwertige glossen in ein buch zusammen geraf  
 felt haben/ die vnsern aber auß gleichen vnd eines  
 Authoris schriften/ nemlich auß der Augspurgische  
 Confession, dero Apologi vnd Franckfordischen ab  
 schied/ als ein schöne Harmoniam/ vnd den rechten  
 safft derselben bewerten allgemeinen schriften der  
 alten Scänd Augspurgischer Confession/ in gewis  
 selklare fragstück gefasset/ vnd ein schönen krantz  
 auß vielen schönen blumen vnd perlein gemacht/  
 wie dan D. Olander in demselbigen auszug nichts  
 dann das zu tadeln weiß/ (vnd muß doch gestehen/  
 daß es die eigene offte widerholte wort der Apologi  
 sind:) daß die Sacrament ohne glauben vnnütz  
 vnd vergebliche Spectackel seyen/ wie der Türcken  
 beschneidung/ oder der Heiden oppfer. Das er aber  
 bald hernach für gibe/ diese frag: Ob man die junge  
 Kinder täuffen sol/ stehe nicht in der Apologi/ ant  
 wortten wir/ daß aber die erörterung vnd die Reso  
 lution



lution derselbigen frag / vnd eben die antwort / so  
 in ermelten fragstücken gesetzt / stehe in der Apologi  
 vnd auch in der Repetition. Da erzeiget sich warlich  
 das gifftrig hertz dieses Manns / daß er bey solchen  
 klaren / im wort Gottes vnnnd der Augspurgischen  
 Confession gegründten lehr / vns gern in den ver  
 verdacht bringē wolt / als lehrten wir / der Kinder  
 tauff / were ein lauter vergeblich spectackel / dieweil  
 nach vnser lehr (wie er berichtet) die kleine Kinder  
 noch nicht glauben / welches ein nichtige folg vnnnd  
 consequens ist. Dann erstlich wie D. Lucher selber  
 schreibt im grossen Catechismo von dem Kinder  
 tauff: Es ligt vns nicht die gröste macht daran / ob  
 der getaufft wirdt glaub oder nicht glaub / den da  
 er) des Tauffs würdigkeit auff Gottes befelch vnd  
 ordnung / nicht auff dem glauben stehet. Darnach  
 ist zumercken / wie Dsiander vns gewalt vnnnd vn  
 recht thut / da er die leuth bereden wil / als lehren  
 wir / daß die kleine Kinder allerdings vnkleubig  
 sind. Dann gleich wie sie nicht aller dings vnner  
 nünfftig sind / ob sie schon die vernunfft noch nicht  
 brauchen können / also lehren wir / daß sie nicht al  
 lerdings vnkleubig / ob schon der glaub sich in ihnen  
 nicht wie in den gewachsenen erzeuget / sonst haben  
 sie in ihnen den samen des glaubens vnnnd der heil  
 iges / vnd werden h. Geist hat / der hat die wurzel  
 des glaubens / vnd aller tugenden / das seind die wort  
 generwort Caluini lib. 4 Institution. cap. 16, Sect. 20  
 vnnnd Petri Martyris in 7 caput 1. Cor.

Welcher  
 gestalt die  
 kleine kin  
 der kleu  
 big.

Was sonst Dsiander bey diesem puncten vor  
 der

der Augspurgischen Confession weiter meldet / daß die Lutherische die vnseren nie für Brüder haben wollen erkennen / muß er allhie die Lutherischen vndercheiden / wie vorzeiten ein vndercheid gewesen ist / zwischen den rechtgleubigen Jüden / vnd denen die auß der beschneidung waren / oder die zelotische genent worden sind. Solche zelota vnd vnfreundliche Lutherische seind Amsdorff gewesen / wie noch jetzt die Vbiquitisten vnnnd Glacianer.

Zweierley  
Lutheri-  
schen.

D. Luther aber da ihm solche leuht in den ohren nicht gelegen sind / hat die vnseren für brüder erkent / wie es klärlich erscheint auß einem sendbrieff andie von Straßburg / da er also schreibt: Ich bitte ewere Luangelisten / meine lieben Herren vnnnd Brüder / daß sie euch vom Luther vnd Carlstadt auff Christum weisen. Solches erscheint auch auß der brüderlichen schrift Lutheri an die Schweitzer / welche steht Tom. 6 Ienenli, Tom. 12 Vvitteb. Es haben auch vor dem ernewerten streit von der Vbiquitete Brentius, Vitus Theodorus, Iacobus Andreæ dem Caluino freundlich als einem bruder geschrieben / wie auch nicht weniger Melanchthon biß zu seinem seligen abschied / Caluino, Bullingero vnnnd Hardenbergio gethon. Zu dem ist offenbar / vnd weiß zweiffel ihm in seinem Cainischen Herzen wehethut / daß die Lutherische Fürsten vnsern Religions verwandten Fürsten als brüdern zuschreiben / vñ halten wir sie für so redlich / als Teutsche Christliche Fürsten / daß ihnen recht ernst sey / vnd daß sie vil mehr dem Apostel Iohanni, dann dem Osandro folgen werden / da S. Johannes im 3 Cap. seiner

Tom. 2.  
Vvitteb.  
pag. 57.

ersten Epistel also schreibt: Das ist die bottschafft die jr gehört habt von anfang / dz wir vns vnder einander lieben sollen / nicht wie Cain / der von dem argen war / vnd erwürget seinen bruder.

Pag. 17.

Nach dem nun der zornige giffige Man seinen zorn also vber vns vnd das Christliche Man dat vnser Gnedigsten Herrn / der Churfürstlichen Pfaltz Administrators ic. gnugsam aufgegossen / beginnet er abermals vber vns zu klagen als wann in vns keine sanfftmüt seye. Dann seinem vorgeben nach / werden reine Prediger vñ Schuldiener von ihren diensten durch die genance Calvinisten gestossen / vnangesehen / daß die Luthersche Pradicanten noch in keinem öffentlichen Synodo vberzeugt vnd verdamt worden sind. Diese Erinnerung aber solt vñ ander ihm selbs thun / der in seinem anhang sters schreiet vnd warner / man sol kein Calvinisten in diensten dulden / wie sie auch in vielen orten das Christlich begrebnuß den vnser versaget / vnd zur zeit der verfolgungen / die in England vor 28 Jarn gewesen / haben dise Clammer ten solche sanfftmüt den Armen / mit Weib vñ Kindern verfolgten / vnd im harten Winter vñ ertriebenen Christen / bewiesen / daß sie in etlichen orten schier hungers gestorben / vnd weder Herberg / noch Platz / noch mitleiden haben finden können / wie dann auch vor sieben jaren alle vnser Theologen oder Prediger / ohn anzeig einziger erheblicher sachs / von ihren lieben Schafflein vnd zühörern auff anhalten diser newen Cardinal / verstoßen / vñ nicht allein in keinem Synodo / sonder auch in keinem

Die Vbit  
quitsche  
vnd Dis  
andrische  
Sanfftmüt.

Disputation/ keinem gesprech ic. gehört / viel weniger vberwiesen worden sind / ja es ist der neid vnd groll etlicher Priester knecht im land wider etliche bengeliche Kirchendiener so groß gewesen / daß sie denselben (zweiffel frey / ohne vorwissen der hohen Oberkeit) alle schmach vnd schmäbliche Frondienst aufgelegt / vnd etwan den Nachrichtern zudienen genötiget haben. Das ist die Ubiquiterisch. Osiandrische sanfftmüt / vñ das sind die bescheidene leut / die von andern sanfftmüt fordern / deren wir sonst viel viel exempel ihrer vnbarmerzigkeit vnd vnfreundlichkeit erzelen möchten / wo es die that in vielen orten / ja alle ire predigten / schriften vnd geberdigste Herrschafft grössere sanfftmüt brauchen / vñ väterlicher handeln köndte / als sie thut / geben wir allen menschen zu vrtheilen / wie auch J. S. G. sehr wol leiden mögē / daß alle verständige auffrichtige Christen darüber vrtheilen. Den vnange sehen daß diese Pralaten im land in keiner Oratio / gehaltenē Leichpredigten vnd Gebetten / da sie viel geringerer personen gedacht / ihrer S. G. nicht mit einem wort meldung gethan / sonder viel mehr auff dieselbe gestochen / vnd nicht vor dieselbige bitten wollen / bis es ihnen auß der Cantzley befohlen worden: Darneben aber in allen ihren Predigten vnd Gebetten ein verbittert Hertz wider ihre S. G. erzeiget. Nichts desto weniger haben S. S. G. mit großer gedult vnd väterlicher sanfftmüt / dieselbigen nider person / in J. S. G. gemacht vnd sonst / da sie schon zimlich vngestüm / irer art nach / sich erzeiget / angehört / sich erbotten / durch S. S. G. Prediger

Von dem  
sanfftmütigen väterlichen Proceß Herzog Johan Casimirs / der Churf. Pfalz / Administrators / ic.

die Calumnien wider vnser Christliche lehr abzu-  
 leinen / aber der gegenheil in ein mündlich ge-  
 spräch / als es von inen in der Canzley begeret war-  
 sich einzulassen mit zimlichem trutz abgeschlagen  
 vnd viel Conditiones vnd bedingunge erst fürschla-  
 gen wöllen. Sind auch so schew vnd friedhässig ge-  
 wesen / daß sie auff vnser erbieten vnd der Oberkeit  
 befelch mit vns in Seniorrath zusitzen / oder das ge-  
 ringste mit vns zuthun oder zuhandlen difficul-  
 tirt / vnd mit harten worten geantwortet / sie wol-  
 ten mit den Vngläubigen nicht ein Joch ziehen  
 Vnd haben auff allen Canzlen zu Heidelberg vnd  
 in der Pfalz mit grossen ärgernuß vieler Vnder-  
 thanen allerley beschwerliche vngegründte leste-  
 rungen / anziehung der Personen / das sie vns auch  
 mit Jüden vnd Türcken verglichen / vnd daß wir  
 eins Christlichen gruß nicht werth weren / öffent-  
 lich vnd gleich ohne schew verlauten lassen / daß ih-  
 S. G. nicht vnzeitig verurrsacht mehr ermelt Christ-  
 lich Mandat von abschaffung solcher grewlichen  
 auffrührischen calumnien mit gehabtem reiffem  
 rath aller hohē Rāht zu publiciren. Vnd solchs hat  
 hievor Herzog Heinrich von Braunschweig der  
 iunger / in S. S. G. vnd des ganzen nider Sächsischen  
 Kreiß namen anno 62 gethan / wie in dem damals  
 gedruckten vnd publicirten Edicte dise Wort sehn  
 Das die Theologen / Pfarherrn vnd Prediger  
 Schulmeister vnd andere / von dem hochwürdi-  
 gen Sacrament des Abendmals vnser H. E. N.  
 X. N. Jesu Christi nicht anderst reden / lehren / o-  
 der

Edict Her-  
 zog Hein-  
 richs von  
 Braun-  
 schweig /  
 vñ des ni-  
 der Säch-  
 sischen  
 kreiß.

der predigen sollen/dann wie Christus selbst / die  
 Evangelisten/der H. Apostel Paulus / die Aug-  
 spurgische Confession vnnnd Apologia dauon re-  
 den/et.

Wohlebbe  
 die Streit  
 schriften  
 Lutheri.

Solget hernach inn demselbigen Edict /  
 welches den 25 Iuni) datiret / also: Wann dann das  
 vngbürllich schelten vnnnd lestern auff den Can-  
 helm/auch condemnierung anderleuht / die noch  
 nicht gehört noch irrthums vberwunden seyn/  
 frommen Christlichen Predigern nicht geziemet/  
 auch solch fürnemmen nicht allein wider Gottes  
 befehl / vnnnd die Christliche liebe ist / sonder viel  
 mehr dardurch grosse widerwertigkeit vnnnd mis-  
 trauen zwischen hohen vnnnd nidrigen Stands  
 Personen / auch leglich verachtung aller Religi-  
 on entsteht / wie leider solch vbel mit grossem  
 schmerken zuuernemen: So gebietē wir ferner in  
 krafft obberürts Lüneburgischen freis/ abschieds/  
 hiemit allen vñ jeden Pfarrherrn/Pastorn/Seels-  
 sorgern vnnnd Predigern / das sie sich befleissigen/  
 das wort Gottes lautter vnd rein ohne einige ver-  
 fälschung dem volck fürzutragen/vnnnd viel Seelen  
 dem H. ERN Christo zuzuführen/vnnnd Gottes  
 ehre/vnnnd der leuth seligkeit zu befördern/vnnnd sich  
 des bisher geübten scheltens vnnnd lesterns / priuat  
 personen/oder Vniuersiteten/die keines irrthums

überzeuget / oder wie recht / durch ordenlich erkant-  
nus nicht überwunden / gänzlich enthalten / bey  
vermeidung der verweisung / oder anderer gebür-  
lichen leibsstraffe / nach gelegenheit der überfah-  
rung.

Da aber einer vermeinen würde / das jemand  
mit vngesunder lehr behafftet / so hat er densel-  
bigen nach der lehr Christi brüderlich vnd freunde-  
lich zuermanen / oder da er dauon nicht abstän-  
de / die sach zuuerhör der ordenlichen Obrigkeit  
vnd gebürlichen cognition vnnnd erkantnus zu be-  
fürdern / vnd sich der bescheidenheit zuhalten / die  
Gottes wort vnd gebrauch der alten Christlichen  
Kirchen gemess ist / etc. Item / das wir in vnsern  
Kirchen mit vngrundt also verlestert werden / wie  
vnser Widerfächer vorgeben / hat Hertzog Chri-  
stoff von Württemberg / Christmiltzer gedechtnis  
neben dem Brentio in dem gehaltenen gespräch zu  
Elaszabern mit dem Cardinal von Lottringen  
gezeuget. Dann da der Cardinal vom hochermel-  
ten Hertzogen von Württemberg wissen vult / was  
doch der Deutschen Confession oder Religion were  
vnd ob sich dieselbe in allem mit den Gallicis ministris  
vergleichen thet / gaben seine S. G. diese antwort  
wie wir sie von wort zu wort auß dem Autentico  
Protocollo, so in der Churfürstlichen Cansley vor  
handen / vnd zu derselben zeit vom Hertzog zu Würt-  
temberg dem Pfalzgraffen Friderich dem dritten  
Churfürsten

Hertzog  
Christof-  
fels von

Churfürsten zugeschickt/verzeichnet wie folget/ze.  
 Es wußten sein Herzog Christoffels S. G. sich  
 keines vnderscheidts zu berichten / darinnen die  
 Gallici Ministri mit der Augspurgischen Con-  
 fession discordirten/dann in dem Artickel des Her-  
 ren Nachtmals / wer aber dermassen geschaffen/  
 das verhoffentlich ein gute vergleichung zutref-  
 fen sein möchte: Dañ mehr der streit in verbis we-  
 re/dann das man sonst so weit von einander  
 sein solt.

Warten-  
 berg mei-  
 nung von  
 den Fran-  
 zösischen  
 Kirchen  
 wider Ost-  
 andrum.

Was ist denn das für ein vnbescheidenheit/  
 ja ein Helliger zorn / daß die Ubiquitisten das  
 Edict vnser Gnedigsten Herrn / jetzt mit dem  
 Edict vnser Ahasueri / jetzt mit dem Interim / jetzt mit  
 dem Alcoran vergleichen/ vnd vnser lehr gar für  
 Teufflich halten: vnd damit jedermenniglich sehe/  
 wie vnser Gnedigster Herr der Churfürstlichen  
 Pfalz Administrator, etc. ja nicht gelinder hat  
 können handeln / ist zu mercken / daß etliche Pres-  
 diger / als vnder andern die zu Oppenheim/ wie es  
 die Rährt vnd Ampleut / vnd ein ganze Gemein-  
 daselbst wissen / so aufgelassen vnd frech gewesen/  
 daß sie in öffentlicher Predigt/nach des Churfür-  
 stens Ludwigen etc. absterben / schimpfliche / vff-  
 rührische / Gottlose reden von vnserm Gnedigsten  
 Herrn/dero S. G. geliebten Herrn Vatter / Frantz  
 en Mutter / die in Gott ruhen / von sich auff der  
 Cangel onschew außgegossen. Item/das die Cal-  
 minische lumpen leucht/vñ des Teuffels mit leib vnd  
 seel



seel seyen / wie es die Acta so bey Ch. Cantzeley ver-  
 handen genugsam vnd offentlich außweisen. Da-  
 bitten wir den Osiandrum / das er zu Sturgard / im  
 land zu Sachsen / Hessen / oder sonst wo er wil / fra-  
 ge / wann solche Prediger bey ihnen weren / die ihre  
 lehr vnd Herrschafft gleicher gestalt verlesterent  
 wie man mit ihnen vmbgehen / vnnnd ob es bey einer  
 schlechten abschaffung verbleiben würde. Nun hat  
 man nicht allein nichts strengs wider solche offen-  
 bare lesterer fürgenommen / sonder sie zu vor güte-  
 lich gehört / sie ihrer lesterungen vberwiesen / vnnnd  
 da sie sich halstarrig vnd mutwillig erzeiget / she-  
 erlich wenig bevrlaubt / doch gewisse frist vnnnd ter-  
 min zum abzug gegeben. Was dünckt den Osian-  
 drum von solcher sanfftmüt / oder was hat er für  
 mangel an diesem proceß: meiner er dann / das man  
 erst ein Synodum versamen muß / so oft man ein  
 halstarrigen offentlichen Calumniatorem vnnnd ein  
 nen auffrührischen Lesterer abschaffen sol: Das  
 Mandatum beweiset hell vnnnd klar / das sonst den  
 Lutherischen Predigern bey vns erlaubt / ihre  
 lehr (wie sie dieselbigen verstehen) auß ihren Carechi-  
 imis zu predigen / vnnnd die gegenlehr / wo sie solche  
 nur trewlich anziehen / so gut sie es können / zu ver-  
 derlegen / allein sollen sie die Calumnias, die Perfor-  
 nalia, vnnnd andere vnerbowlliche ding meiden / wie  
 darumb auch J. S. G. auß sonderm Christlichen  
 verstand vnd eiffer freye publicas disputationes an-  
 gestellet / vnd wir vns offermals zu freundlichen  
 gesprächen erbotten / damit dieser streit ordenlicher  
 weis erörtert / vnnnd inn diesen schweren trüblichen  
 zeiten fried in der Kirchen / so viel immer möglich  
 erhalten

erhalten würde. Vnd hiemit sey abgeleint / was Si  
 sander zur behauptung seiner vñ anderer lesterun-  
 gen / wider die reine Bekenner der Augspurgischen  
 Confession / die er Calvinisten nennet / eingewant  
 hat. Er wolt aber auch gern durch ein Recrimina-  
 tion vber vns Klage als ob wir inē mit vngrund vil  
 ding zulegen vñ andichten solten: Dasselbige aber  
 in dem Mandat / (welches er partheyisch nennet)  
 vns nicht verbotten / da er doch weiß / daß in solch  
 em Mandat beiden theilen die bescheidenheit auff-  
 erlegt vnd alles calumniiren in gemein verbotten.  
 Daß aber die ding in specie nicht erzelt werden / da-  
 von Si sander pag. 22 schreibt / geschicht des wegen /  
 daß es keine calumnien / sonder offenbare irrthum-  
 ben vñnd abscheroliche reden sind / die sich in ihren  
 schriften finden / vñnd ihnen vielmaln von erlichen  
 Ständen der Augspurgischen Confession / als den  
 Newstättischen Pfalzgräffischen / Anhaltischen /  
 denen zu Bremen / den gelehrten zu Strassburg  
 vñnd andern / mit erinnerung der Bücher vñnd blet-  
 ter klärlich dargethon worden / als nemlich / daß  
 Brennius geschrieben: Christus hab ein ewige / vñ ein  
 mitgetheilte Gottheit / in seinē büchlein de Maiesta-  
 te Christi, pag. 91, vñnd in Recognitione, pag 90, Chri-  
 stus der Sohn Gottes habe durch die Göttliche  
 Maiestet / nicht allein der ewigen Gottheit / sonder  
 auch der Gottheit / die er dem Sohn des Menschen  
 in erfüllung der zeit mitgetheilte / Himmel vñnd Er-  
 den erfüllet.

Item / daß auß ihnen ein promovierter Doctor  
 Theologiae, zu Tübingen / in gegenwart eines für-  
 trefflichen Fürsten / vñnd in beysein zweier fürnem-

Ob wir die  
 Lutheri-  
 schen calu-  
 niiren.

Abscher-  
 oliche reden  
 der Obi-  
 quitisten.

men Theologen (so noch bey leben) öffentlich ge-  
sagt (darüber sich die zuhörer nicht wenig entsetzt  
haben sollen.) Daß Christus so wol in Herodias  
leib/ als im leib der Jungfrauen Mariæ gelegen sey-  
haben es die jetzige Theologen zu Bremen in öffent-  
licher schrift bezeuget/ vnd seynd bey leben/ anders  
wissen wir nicht/ die beyde Doctores Theologia/ vnd  
andere die dabey gewesen.

pag. 105.

Cöcordia  
discors.

Item hat Brentius im Buch von der Maieſtät  
Christi pag. 24 geschrieben/ daß eines jeden menschen  
natur / der jetz im Himmel ist / seye dem Sohn  
Gottes ein verleibt/ vnd mit jm in einigkeit der perso-  
nen verbunden. Item/ daß der Leib Christi in allen  
winckeln/ Steinen/ Bierkanten sey/ hat Parlimoni-  
us Osiandri mitbruder/ vnd Warbachius in seiner  
letzten schrift/ ohne schew geschrieben/ volget auch  
solchs auß der lehre Osiandri vnd der Ubiquita-  
ten/ demnach sie lehren/ der leib Christi sey in allen  
orten wie die rechte Hand Gottes. Da siher man  
wie diese leut/ so andern ihre Concordia auffdringen/  
wollen/ mit einander/ ja mit sich selbs concordiren/  
vnd überein stimmen. Wie sie auch heut/ von der  
aufgiessung der Göttlichen Maieſtät in die  
Menschlichen natur nichts wissen wollen/ da doch  
solchs ihr Patriarch Brentius geschrieben/ Recor-  
pag. 16. 29. 30.

Item/ daß sie die Menschheit Christi fast nach  
des Eutycheis vnd Schwentfelds lehr tilgen/ volge  
schließlich auß ihren seltsamen reden/ als da D. Lu-  
ther schreibt/ inn dem Buch/ daß die wort noch feste  
stehet.

stehn: Christi fleisch ist auß allem fleisch gesöndert/  
 vnd allein geistlich fleisch / nicht auß fleisch / sonder  
 auß geist geboren. Item / daß sie im Concordibuch  
 mit Luthero schreiben / daß der Leib Christi nach  
 der dritten weise / das ist / nach art der Gottheit al-  
 lenhalben sey wie Gott / vnd wo Gott ist. So lau-  
 tet biß daselbst auch gar Marcionitisch / da sie mit  
 Luthero schreiben / daß das fleisch Christi durchs  
 bret fehret / wie ein Klang durch bret vnd luft / vnd  
 vnsere gesicht durch luft / glas / liecht / &c. Inmassen  
 ste auch dem **HERRN** ein vn sichtbaren / vnd so sub-  
 tilen leib zueignen / welcher für war nicht der ist / der  
 für vns im leib der Jungfrawen geboren / vnd für  
 vns am stammen des Creuzes gecreuziget wor-  
 den. Steinct deswegen abermals solche **Psiantri-**  
**sch** lehr nach dem geist des Antichrists: dan spricht  
**S. Johannes** / das ist der geist des Widerchrists /  
 der nicht bekennet / daß Jesus Christus sey ins  
 fleisch kommen. Fleisch aber heist nicht ein vnend-  
 lich vn sichtbars wesen / sonder vnser menschlische  
 der nicht betennet / daß Jesus Christus sey ins  
 fleisch kommen. Fleisch aber heist nicht ein vnend-  
 lich vn sichtbars wesen / sonder vnser menschlische  
 leib / vñ ware menschlische natürliche seel. Also habē  
 ferner schier alle Kirchē der Christenheit dise leut  
 gewarnet / daß wo nach irer lehr eine andere natur /  
 als die Göttliche der Göttlichen eigenschafften fer-  
 big were / so könt man nicht mehr die Göttliche na-  
 tur von der Menschlichen / vnd den Schöpffer von  
 dem Geschöpff vnderscheiden / dann was einem an-  
 dern gemein vnd mitgetheilt wirt / kan kein ware  
 eigenschafft heissen: Als vnder andern vnderschei-  
 det sich Gott der **HERR** von allen Creaturen / al

Antichri-  
stische lehr.

1. Johan. 4.

W<sup>o</sup> fleisch  
sey bey  
Johanne.

so Jerem. 23. Bin ichs nicht / der Himmel vnd Erden  
 füllen / spricht der Herr: Dise Lehrer aber dörfen  
 schreiben / daß Christus alles mit seinem fleisch  
 füllen / vnd verkehren den spruch S. Pauli Ephes.  
 4 / welcher er nicht lauter von dem fleisch Christi / son-  
 der wie D. Luther selbst erkläret / von der würck-  
 ung / krafft vnd gaben / vnd wollen doch nichts be-  
 sto weniger diese Herren die fromme Fürsten vnd  
 andere einfeltige bereden / daß sie die vbiq̄tät nicht  
 lehren. Da aber dem also / warumb schreiben sie  
 dann in ihrem Concordibuch: Wo du einen ort  
 zeigen würdest / da Gott were / vnd nicht der  
 Mensch / (vnd wie sie sich vor erklären) nach vnd  
 mit seiner angenommenen Menschlichen natur /  
 so were die person zertrent. Item sie schreiben /  
 erfüllet alles warhafftig vnd allenthalben / nicht  
 allein als Gott / sonder auch als Mensch gegen  
 wertig. Item / daß solle man gar nicht leugnen  
 wie wir wissen dann zu beweisen / daß Christi leib alle-  
 ding nicht mög seyn / da Gott ist. Item / sie beruffen  
 sich öffentlich auff Luthers streitschrieffen /  
 Luther aber in dem Buch / daß die wort fest stehen  
 schreibt / Wo die rechte Hand Gottes ist / da muß  
 Christi leib vnd blut sein. Die rechte Hand Gottes  
 aber spricht er / ist allenthalben / in jedem Körnlein  
 auch in dem geringsten baumblat. Vnd Brentius in  
 Recognitione hat dörfen schreiben / das inn dem  
 Himmel / dahin Christus gefahren / auch die Hölle  
 vnd der Teuffel seye: Heißt daß Christum nicht  
 von

*Sic Ambro-  
 sius epist  
 10. & Hila-  
 rius in  
 Psalm. 56.*

*Wie die  
 vbiq̄tät  
 im Concor-  
 dibuch  
 steht.*

von seinem thron absetzen: Dann ja der Thron des  
 HERRN weder die Hell / noch die irrdische Ple-  
 menten sind / sonder wie die ganze schrift zeuget /  
 vnd wir bestendiglich lehren / ist der Thron der Ma-  
 iestet Gottes droben im Himmel. Es siehet auch  
 jedermēiglich / daß auß irer lehr der grund der Pā-  
 pstlichen Abgötterey mit den hostien bleibt. Dann  
 es werde das brot verwandelt oder nicht / wann der  
 leib wesentlich vnd leiblich in oder vnder dem brot /  
 oder nach dem Buchstaben / das brot der leib Chris-  
 teten (so folget ohn widersprächlich das an-  
 betten des brots / welches zwar Luther / wie auch  
 ten öffentlich verthedigt / vnd noch heutigs tags  
 in etlichen Lutherischen Kirchen gespürt vnd ge-  
 halten wirt. Können also ferners die Consubstan-  
 tiation / vnd daß sie Christum ans brot binden / nit  
 leugnen / weil sie stets diese art zureden brauchen /  
 er hab sich an das brot mit seinem wort gebunden.  
 Item / es sey im Abendmal fleischbrot vnnnd leibs-  
 brot / vnd daß in vnnnd mit der substanz des brots  
 sey das wesen / vnd die substanz des leibs Christi.  
 Daß sie aber diß alles so subtil verstehen wollen:  
 vnd doch so grob dauon ohn alle schew reden dörf-  
 fen / das ein from hertz darüber erzittern möchte /  
 ist sich nicht wenig zu verwundern / daß nemlich der  
 leib Christi auß der hand des Priesters komme in  
 den vnsaubern mund der Gottlosen buben. Item  
 der Papsst hab recht gesagt / daß wir mit vnsern zä-  
 nen zerdrucken vnd zureiben den warhafftigen leib  
 Christi. Item / die schöne frag / die auß einem Lu-  
 therischen Hoff gehn Wormbs Anno 57 / an die

Wer Chri-  
 stum von  
 seinem  
 Thron ab-  
 setze.

Die Con-  
 substanz-  
 tion.

Wer des  
H. Erren  
Testamēt  
cassiere.

Theologen gelange / ob der Leib Christi von dem  
mund bis in den bauch käme / vnd dergleiche vnges-  
chickte reden. Wir geben auch allen frommen Chris-  
ten zu erkennen / ob nicht diese lehr des H. Erren  
Testament cassiren vnd vernichtigen / da sie dassel-  
bige nicht in der gnädigen vergebung der Sünden  
durch das blut Jesu Christi / sonder in der münd-  
lichen nussung des leibs vnd bluts Christi gründet  
vnd also alle kinder drauß schliessen / den Gottlosen  
aber vnd Heuchlern / die vom Kelch trincken / sol-  
ches vergünnen / wie dann nach dem Buchstäblichen  
verstand der wort der einsetzung vnd deren lehr-  
meinung / das Testament Christi were nicht der  
leib für vns gegeben / sonder allein der Kelch / die-  
weil vom Kelch / nicht vom brot gesagt wirt / es sey  
das neue Testamēt in seinem blut. Wie wenig auch  
D. Siander halte von den worten der einsetzung / ist  
auß dem wol abzunemen / daß er dieselbige nicht  
zum rechten grund der gegenwart Christi im H.  
Abendmal setzet: sonder die Persönliche vereini-  
gung vnd allenthalbenheit des leibs Christi / der  
vorhin auch außser der Action des H. Abendmals  
in Brot vnd inn allen Creaturen sey: menger also  
gar vntersächlich vnd vnbescheiden die allgemeyne  
gegenwart Gottes der den Teufflen selbs nach art  
seiner rechten Hand gegenwertig / mit der gnädigen  
gegenwart vnd gemeinschaft Christi / mit seinen  
gliedmassen / die im H. Abendmal bezeuget wirt.  
In summa es ist nicht zusagen was für vngereim-  
ter / vngeschickter / vñ vnbeständiger lehren auß die-  
ser lehr meinung stießen / da sie an statt des einigen  
wahren grunds widerwertige grund ertzelet / vnd  
gar

gar nicht nach der warheit / sonder allein vnnnd fürs  
 nemlich darnach / daß sie ihren primat vnd ehrgeitz  
 erhalten / getrachtet / vnnnd die vn selige Ubiquitet  
 zu Canonisiren sich vnderstanden haben. Jetzt gilt  
 bey ihnen der gemein Præceptor Philippus nichts  
 mehr: auch die Augspurgische Confession nicht /  
 welche ihre Pfarrherrn nicht lesen dörrffen abque  
 Antidoto sine correctiuo normæ Bergensis, vnd erfah  
 ren wir / daß ja der mehrertheil der Prediger / die vn  
 der ihrem Strab gewesen / da sie zu red gestelt wer  
 den von der erklärang der lehre von den H. Sacra  
 sion steht / nichts wissen / vnd sich allein ad affirmati  
 uas & negatiuas normæ Bergensis beruffen / etliche  
 auch bekennen / daß sie solches Concordibuch nie  
 durch gelesen / sonder aliorum exemplo vnnnd mit ges  
 wissen bedingungen vnder geschrieben haben.

Der wegen wollen alle fromme auffrichtige  
 Lehrer vnd zuhörer in der Churfürstlichen Pfaltz /  
 sich durch diesen neuen Papst vnd lesterer Dsian  
 drum (der dieselbigen gern freuentlich ihrer pflich  
 ten / damit sie vnser G. Herrschafft zugethan / ledig  
 che vn bändige / vn befugte / durch etlich wenig vn  
 erwiger leuhe / hinder die hohe Käht auff gelegte /  
 vnd wider die Christlichelieb vn Kirchenordnung  
 streitende Iuramenta binden / vnd ein beschwerlichs  
 gerümpel vnd zerrüttung in der Churf. Pfaltz / wie  
 der Papst newlicher zeit in Engelland gethan / ver  
 messenlich anrichten wolt /) mit nichten verführen  
 vnd blenden lassen / sintemal Auffrührer nie kein  
 Gut end genommen / wie es Campianus vnd andere  
 Baals

Ermanüg  
 an die Leh  
 rer vnd zu  
 hörer in  
 der Churf.  
 Pfaltz.



Baalspaffen in Engelland erfahren / vnd sich vor denen sehr zuhüten / welche die Herrschafften verachten / sind dürstig / eigensinnig / locken an sich die leichtfertige seelen / haben ein hertz durchtrieben mit geiz / lestern / da sie nichts von wissen wie S. Peter spricht 2 Epist. 2 cap. Wir haben Gott viel mehr von hertzen zudanken / das er in diesen betrüben zeiten / da der Papst zu Rom durch die Spanier das Vatterland sehr beschwerlich angreiffte / einen solchen Administratorem der Churfürstlichen Pfaltz erwecket hat / der nicht allein ein gebornen Pfaltzgraff / ja Churfürstlicher Sohn vnd Bruder ist / vnd dem allein diese löbliche Administration von rechts wegen gebüret / sonder auch seinen ernstesten eiffer zu der wahren Christlichen Religion vnd dem Vatterland in vielen gefährlichen zügen bewiesen / vnd in dem jetzt (also zureden) der Gottselige / fromme / vnd sanfftmütige Churfürst Sebastian der drit / hochlöblichster gedächtnuß / gleichsam wider lebet / vnd der darnach trachtet / das in der Churf. Pfaltz güte vnd trewe einander begünstigen / gerechtigkeit vnd friede einander küssen / wie David redet im 87 Psalm.

Ermanung  
an die Eu-  
angelische  
Potentaten / vnd  
Politische  
Räht.

Es wollen auch alle verständige Euangelische Potentaten vnd Politische Räht bedencken / ob der angemastete primat in Teutschland dem Kaiser andro gebüre / vnd was vnrahts drauß erfolget würde / wann durch diser leut anstiftung die Fürsten wider vnschuldige leut verbittert / vnd solchen vngefügigen / wütenden / newgebornen Potentaten das Richter ampt dermassen eingeräumt werden solt / das sie nicht allein dabey zu Hoffen

vnd in der Canteley alles regieren / sonder auch frembder Herrn Canteleyen vnd Mandata regieren / vrtheilen / vñ derselben vnderthanen auffwickeln solten / wie der leidige Teuffel vor wenig Jahren durch einen losen buben Iohann Marion Iohann Marion. ge-  
 nannt / (Der lang in der verstrickung gewesen / vnd in seinem bösen fürnemen ergrieffen worden) dasche Potentaten / etliche Vbiquitische Clamanten wider zwey treffliche fromme / dapffere Teutsche Fürsten zu erregē. Da dergleichen ding aber gestats-  
 ter wurden / Hilff Gott / wie ein erbermllicher stand were zugewarten / da würde freylich das end ärger dann der anfang / vñnd dieser letzter Antichrist  
 schädlicher seyn als der erste. Letzlich bitten vñnd Ermanñg an die Lutheranische Kirchen vñnd schuldiener in der Churf. Pfalz. ermanen wir alle friedfertige / bescheidene Lutheranische Kirchen vñnd Schuldienere / wo die seynd /  
 das sie nicht Dsiandri Hunde seyn wollen / wie er sie / in seiner auffrührischen warnung wider das Christlich Mandat / nennen thut / vñnd zu bellen vermanet / sonder viel mehr sich besleissen / Schafflein Jesu Christi zu seyn / vñnd diesen spruch Matth.  
 II zu beherzigen: Lernet von mir / dann ich bin sanfftmütig / vñnd von herzen demütig / so werdet ihr ruhe finden für ewere seelen. Wollen auch ihre  
 höörer nicht auff streitschriften der Menschen / sonder auff das rein vñnd lauter wort Gottes / vñnd bewerte Symbola weisen / vñnd mercken / das in denselbigen / wie auch in der Augspurgischen Confession vñnd Apologi, weder die vnseelige Vbiquitet /

noch die fundamenta Ssiandri/ vnd seines anhangs  
 zu finden / darumb solche Iuramenta, da sich erliche  
 möchten verpflichtet haben / bey den verdammun-  
 gen der reinen lehr von der person Christi vnd vom  
 H. Abendmal / vnd der Ubiquitisten Concordi zu  
 bleiben / wie sie nicht ohne sünd gethan / Können  
 auch ohne sünd vñ grosser beschwerdt des gewissen  
 nicht gehalten werden. Vnd da schon auß Gottes  
 verhängnuß / vñnd gerechtem vrtheil vber vnser  
 sünden vnd vndanckbarkeit / das newe Papstumb  
 Ssiandri ein solchen vermeinten forrgang gewin-  
 nen solt / (wie er mit seinen Adharenten auff menschen-  
 lichen arm sich allerdingis verläßt vnd truzet) daß  
 friedfertige reine Lehrer vnd Prediger / die ihre  
 Knie vor Ssiandro vnd seiner Ubiquiter nicht bie-  
 gen wollen / in beschwerliche gefängnuß / vnd an-  
 dere gefahr kommen / ja mit Weib vnd Kindern  
 wie hievor geschehen / ins elend mit grossen grimm  
 vertrieben werden müßten / vñ keinen platz im Reich  
 mischen vñnd Ubiquiterischen Pöpstischen Reich  
 hetten / so sollen sie sich doch dessen getrösten / daß  
 sie auß dem Reich Christi nicht geschlossen seyn  
 vnd daß ein gut gewissen weit ist vber alle wöllust  
 der welt / daß auch gleichwol die warheit not leiden  
 vnd gedruckt / aber nicht vnderdruckt werden könen  
 vnd daß der HERR zu seiner zeit der Kinder Edom  
 dannoch gedencken wirt / die da sagen: Kein ab  
 Kein ab bis auff den boden.

Ein bitt  
 zu Gott  
 für Ssiand-  
 der.

Gott ist aber zu bitten / daß er dem D. Ssiand-  
 dro (der ohn zweiffel von den sanfften / rühwigen ma-  
 gen vnd grosser Autoritet vnd Præminens / bis  
 er vber die 20 Jar zu Hoff gehabt / etwas geil vnd  
 frecht

frech worden) ein Christliche sanffemut / vnnnd bes  
 scheidenheit wolle verleihen / damit er seinem beruff  
 zu Scutgart / mit welchem er genug zuthun vnnnd  
 zu warnen hat / in frieden außwarte / vnnnd dem  
 sohn lemini, der den frommen Fürstern  
 Dauid verlestert hat / wie er Klage im 7 Psalm /  
 nicht ehlich werde / sonder seine Zunge für bösen  
 behüten / seine lippen daß sie nicht falsch re-  
 den / vnd dem frieden nach **JAGER**  
 wolle / Amen.



8791677

Faint, illegible text, possibly bleed-through from the reverse side of the page.

